



詩

經

四

光緒壬辰秋月重刊

板藏順邑龍山
鄉桃盛京果店

喉證指南

枕善主人題

君曼

合刻後序

白喉疫症向少專科業醫者以症不常見復少詳求其治法雖散見方書然症遇危疑猝難繙閱戊寅春需次酒泉戎幕得黃炳乾新編張善吾蕭海雍兩先生所著時疫白喉證論因經辨治詳列諸方守約而施博庚辰夏隨節移屯哈密長途焔暑戈壁風沙軍中患此症頗多按方施治隨手奏效入關後歷肅州平遠各路遇此症亦視此書爲定盤鍼乙酉調秦州兩當縣州憲余二田刺史浙人寄籍湖湘通靈素學深悉此症險惡剖毫析芒時因公謁見暇喜談醫言隴南山高土燥患喉最多以公餘所輯喉症全書見示凡例中論列綦詳茲不復贅戊子秋解

組南旋攜二書置行篋粵地人多火贓倘遇證得此編爲指南
車或不至毫釐千里吾鄉守愚居士見書而避之遂合刻以廣
其傳所謂齊心同所欲矣因爲誌所自來

光緒十八年歲在壬辰中秋節順德周兆璋雲琢甫書於枕善居



序

人之一身百病皆可致危而咽喉之病尤危之危者蓋咽感地氣爲胃之系主通利水穀喉應天氣爲肺之系主出入氣息人身唯此二關爲最要故患病亦唯此二關爲最險世之業是科者多學無師授往往株守一偏稱爲秘授非自許扁鵲卽人頌華陀及其臨證則茫無主張試起扁鵲華陀而問之果無愧乎又有咽喉發白一證古方所無諸書未載爲害尤烈乾隆四十年以前無此證卽有亦罕自道光中盛延於江浙漸及荆湘黔滇燕魯近來秦隴塞外所在皆有病者苦無良醫醫者苦無良方膠時疫之說者專用寒涼則虛寒者殆矣執虛寒之說者專

用辛溫則時疫者危矣是皆以人之性命試彼無形之斧刃持此而欲救世得乎余不揣固陋爰集古今專科世業善本與治白喉經驗良方良法悉心探索不當者去之未備者補之並折衷羣書詳加印證俾病情方藥概歸至當以爲喉證指南醫家既可據病以校方病者亦可檢方以自療從此藥到病除永絕咽喉之患咸登益壽之堂豈不懿歟時光緒十三年歲次丁亥夏五巖江寄湘漁父識於甘肅秦州官舍之知足知不足齋

喉症指南卷首

凡例

一喉科向少成書。卽醫家著述中偶論及之。亦多略而不詳。故精者絕少。是編以程鍾齡、程瘦樵、鄭梅澗、陳雨春、張善吾、黃再生、黃陶普諸家之說爲底本。並博採專科善本經驗秘傳各方法。揣摩印證。彙集成編。俾一覽無遺。庶易於融會貫通。

一 人身十二經中惟足太陽主表。別下項餘皆內循咽喉。盡得以病之。而要不離乎肺與胃。蓋胃爲水穀之海。肺爲諸臟之華。蓋其氣皆直透咽喉。故咽喉病亦惟肺胃之火爲獨盛。

一 醫士辨證如文家相題。相題之法須先尋脈理。辨證之法須

先分寒熱。是編每論一證。必先將寒熱二字。反覆推敲。再於寒熱中分表裏。分虛實。分氣血。分輕重。然後斟酌方藥。自無毫釐千里之謬。

一用藥如用兵。兵不精則賊不滅。藥不當則疾不瘳。喉病用藥。自內攻出爲上策。取痰攻上爲中策。沉爲下策。熱重者。令去內熱。用藥取病歸上。攔定風熱。使其在上不下。然後隨證用藥。此爲善治。若其內熱未盛。未結。卽用清劑攻法。致病入胃。膈因傳於心肺。變生他證。是用藥者之咎也。

一醫士臨證。如戰士臨陣。固貴心細膽大。尤宜通權達變。若心粗氣浮。或以猛劑而治輕病。或以重病而投平劑。或遇胎產。

婦人。幼孩。衰老。或值大病甫痊。元氣未復。俱難任攻伐。如必拘泥成方成法。不顧本元。殺人易於反掌。

一喉證。用單紙印方傳送。雖屬善舉。究竟誤事。何也。其人或曾患熱證。服涼劑而愈。則所傳者必涼劑也。倘患寒證者。信之。鮮能救矣。其人或曾患寒證。服溫劑而愈。則所傳者必溫劑也。倘患熱證者。信之。鮮能救矣。

一前賢所定喉證方法。名言精論。煞費苦心。時醫以獨開生面。不襲爲高。而予輯此編。凡有經驗神效者。或於序中。或於凡例。或於辨證。或於用藥。或於證治。或於醫案。或於方後。隨處萃集。正與時醫相反。覽斯編者。或以勦說見譏。余則甘受而

不辭也

一咽喉起白如腐。俗稱白喉。亦寒暑不時血氣不調所致。鄭梅澗醫語云。此證屬足少陰一經。熱邪伏其間。盜其肺金母氣。故喉間發白。陳雨春白喉論云。此證乃足三陰受病。傳之於肺。似與他經無涉。其有兼及他經者。皆後之傳變也。然有時疫癘證。虛寒。蛾風轉變之別。治法亦迥不相侔。今時醫概以時疫目之。治以清涼之劑。謬矣。又或變時疫之說。概目爲虛寒。治以溫補之劑。更謬矣。經云。赤屬熱。白屬寒。果如所云。則白喉祇有寒而無熱。若概指爲疫。則白喉祇有熱而無寒。於理安在。蓋肺屬金。其色白。爲諸臟之華。蓋喉爲肺之

息道。凡風寒之入。內火之熏。肺未有不先受其傷者。肺既受傷。其本色必見。若不辨證脈。因其色白。卽投以桂附炮薑。一遇火證。是謂抱薪救火。愈熾愈烈。而寒證可類推已。

一。是編宜分看。合看。分看一證。有專治之方。合看各證。有通用之方。如除瘟化毒神功辟邪神仙活命諸方。是治時疫白喉專方。亦可兼治乳蛾喉癰喉腫諸證。姑舉其一。以例其餘。庶臨證不致顧此失彼。

一。木舌重舌舌衄蓮花舌牙癰牙宣牙衄走馬牙疳以及腮癰繭唇等證。程氏醫學心悟列之咽喉門中。殊不謂然。究其源。方書皆然。不自程氏始。茲仍採入。附於咽喉證治之後。每條

加一附字以示區別。

一採方製藥。各以類從。首湯劑。次吹劑。次噙劑。次敷劑。凡一切應用丹丸散錠。均須預爲製備。收儲瓷瓶。封固勿令洩氣。若俟臨時始製。則緩不濟急。必致誤人性命。

一醫家治驗之醫案。卽醫家閱歷之功夫。最廣識見。略採數則附後。以備參考。

一。是編病證提綱。用卜分論病證形狀。用、精義切要處。用○。俾閱者一目了然。

一。自兵燹後。患喉證者甚多。是編甫出。各直省均無此板。遨遊遠方者。如能重刊廣布。或多帶送人。功德無邊。無量。

喉證指南卷首目次

卷一

辨證論

辨證總括

辨經絡

辨初起形病

辨面色

辨脈法

辨寒熱

辨喉色熱寒

辨舌胎熱寒

辨脣鼻目寒熱

辨小便熱寒

辨腫痛熱寒

辨風涎熱寒

辨飲食熱寒

辨氣血熱寒

辨頭痛熱寒

辨白喉熱寒

辨咽喉壞證

辨白喉壞證

卷二

用藥類

用藥總括

宣肺

熱證

寒證

熱盛陽虛

慎用表藥

熱證過服涼藥

寒證過服熱藥

解誤藥

旁取法

用藥次第

用藥口訣

藥不須忌

白喉四證

白喉兼證

白喉傳染

白喉誤死

服藥後禁忌

看證防護附

用鍼法附

製鍼法附

煮鍼藥方附 鍼式圖附

鍼穴圖附

卷三

證治類

證治總括

喉痺

緊喉風

慢喉風

纏喉風

走馬喉風

纏舌喉風

啞瘡喉風

弄舌喉風

上喎癰

鎖喉毒

喉癰

喉閉

喉疳

喉癬

乳蛾

喉瘤

喉疔

喉瘡

肉球

表裏咽痛 肺絕喉痺 經閉喉腫 梅核氣 時疫白喉

蛾風白喉 癆證白喉 虛寒白喉 舌證附 齒證附

唇證附 鼻證附 腮證附 耳證附 治醫案附

卷四

採方類 服劑七十一方 吹劑二十六方 敷劑十四方

採方總括服劑 加味甘湯 紫地湯 升陽解熱湯 連翹飲

清咽利膈湯 敗毒散 參蘇飲 五積散 溫胃湯

附桂理中湯 附瀉心湯 甘桔湯 雄黃解毒丸 四君子湯

四物湯 少陰甘桔湯 加入味湯 六味地黃湯 黃連解毒湯

牛黃清心丸 鼠黏解毒湯 知地黃檠湯 清露飲 潤燥膏

歸脾湯

廣筆鼠黏湯

加逍遙散

益氣清金湯

生脈散

八味丸

滋腎丸

秘授甘露飲

人參養榮湯

薑附湯

理中湯

四逆湯

半夏桂甘湯

獨參湯

十大補湯

除瘟化毒湯

神辟邪散

神仙活命飲

龍二仙丹

清心滌肺湯

養正湯

銀花四君子湯

養陰清肺湯

蟾酥丸

清熱解毒湯

清胃散

蘆薈消疳飲

清肝解毒湯

人參粥

五味消毒飲

神授衛生湯

雙解貴金丸

雙通聖散

瀉黃散

清涼甘露飲

涼膈散

奇藿香丸

天羅散

補中益氣湯

辛夷清肺湯

黃岑湯

柴胡葛根湯

升陽散火湯

柴胡清肝湯

理陰煎附

鎮陰煎附

立馬飲附

回生丹

白降雪散

冰蓬散

搐鼻散

金鎖匙

紫雪散

燒鹽散

八寶珍珠散

礬精散

清涼散

捷妙散

赤磨散

消瘤碧散

冰片散

麝香散

瓜霜散

青鳳散

涼心散

真功丹

聖功丹

消蘆散

生肌散

血竭散

萬應丹

柏薑散

刺仙方

桐油餞

辛烏散

摩風膏

太乙紫金丹

異功散

開關散

蒜泥拔毒散

人中白散

蘆薈散

離宮錠

黃連膏

礪砂散

辰砂散

真君貼散

獨勝散

紫花散

神功丹

萬益丹

喉證指南卷一

嚴江寄湘漁父蒐輯

辨證總括

凡辨證必先辨經絡。次辨病形。次辨色脈。次辨寒熱。次辨虛實。虛實初定。雖雜證百出。可一以貫之。如大方脈中有喉科一門。喉科中復有白喉一證。白喉中又分時疫癘證、虛寒蛾風轉變。四證業是科者。非株守喉風無非熱證。白喉無非時疫。二語卽拘執白屬寒三字之說。膠於偏見。有識者所不許也。茲將咽喉各證條分縷晰。一寒一熱舉以爲對。而寒熱之中又分輕重。氣血虛實表裏。辨證最爲詳悉。閱者宜留心詳審焉。

辨經絡

考人身十二經中惟足太陽主表別下項餘皆內循咽喉盡得
以病之而其中足太陰之脈上膈挾咽連舌本散舌下足少陰
之脈循喉嚨挾舌本足厥陰之脈循喉嚨上入頤頰下絡舌本
凡咽喉病兩關及左尺脈多沉數有力以此觀之病屬足三陰
經明矣但咽爲胃之系喉爲肺之系肺胃之氣皆直透咽喉其
病雖屬足三陰而其證總不離乎肺與胃

辨初起病形

凡喉證初起預先必作寒發熱喉內或微痛或不痛甚則頭痛
煩渴大便秘結小便赤濇切勿認作傷寒證

辨面色

額○心○鼻○脾○左○頰○肝○右○頰○肺○顴○腎○面○上○之○部○位○可○察○也○肝○青○肺○白○心○赤○脾○黃○腎○黑○面○上○之○五○色○可○察○也○部○位○察○其○相○生○相○尅○五○色○察○其○有○神○無○神○大○抵○外○感○不○妨○滯○濁○久○病○忌○呈○鮮○妍○唯○黃○色○見○面○目○既○不○枯○槁○又○不○浮○澤○爲○欲○愈○之○候○此○凡○病○皆○然○不○獨○喉○證○但○須○證○脈○合○參○不○可○拘○泥○

辨脈法

熱○證○脈○主○浮○浮○細○而○數○爲○風○熱○其○熱○輕○浮○洪○而○數○按○之○有○力○爲○實○火○其○熱○重○按○之○無○力○乃○是○假○熱○若○沉○數○而○弦○長○胃○氣○絕○矣○不○治○寒○證○脈○主○緊○浮○數○而○緊○爲○風○寒○其○寒○輕○沉○細○而○遲○緊○重○按○不○

見爲虛寒。其寒重遲緩而緊。按之有神。其寒在表裏之間。若浮數而弦緊。按之不拘有力無力不治。

辨寒熱

辨證宜相天時度地勢審人事。大約夏秋多熱。春冬多寒。住平洋者多熱。住深山者多寒。體强者多熱。體弱者多寒。好酒者多熱。好色者多寒。少壯者多熱。年老者多寒。此其大較也。

辨喉色寒熱

熱證滿喉皆紅色。或紅絲寒證滿喉皆淡紅色。或淡紅絲。紅色者重。紅絲者輕。淡紅色者重。淡紅絲者輕。

辨舌苔寒熱

舌乃心之苗。凡病熱證，舌苔或黃或黑燥者，是實熱；潤者是假熱。寒證，舌苔必白，或閒黃黑潤者，是寒。重燥者寒輕。

辨脣鼻目寒熱

脣乃脾之應。熱證，脣紅潤者熱，輕燥者熱重，寒證，脣白燥者寒，輕潤者寒重。鼻孔乃肺之竅，乾燥肺有熱也，流清涕肺有寒也。然有火燥肺而鼻孔燥者，有肺氣將絕而鼻孔燥者，有脾火伏而脣燥者，有胃氣不升而脣燥者，有傷食而脣燥者，有胃氣將絕而脣燥者，俱宜詳審。至日則察其畏風與否，畏火與否而已。

辨小便寒熱

熱證，小便必赤，赤而熱者是實熱，赤而不熱且長而多者是假

熱若清長的是寒證矣。

辨腫痛寒熱

熱證必腫寒證不腫喉內反大而空亦有虛腫者熱證必痛痛無止息寒證不甚痛或時痛時止。

辨風涎寒熱

熱證有風涎風涎少者輕風涎多者重寒證則斷無風涎如係風寒亦有風涎但較清冷耳。

辨飲食寒熱

凡熱證畏熱畏寒寒證不畏熱不畏寒可用生薑湯試之熱證飲食喜冷惡熱寒證飲食喜熱惡冷熱證飲水不甚痛喫飯則

痛寒證飲水痛喫飯不甚痛熱證必渴喜飲水喜溫者輕喜冷者重寒證不渴雖渴不多飲水喜溫者輕喜極熱者重熱證不思食亦不能食寒證能食而不甚思食

辨氣血寒熱

上午痛者屬氣分下午痛者屬血分氣分實熱風熱風寒等證俱痛無止息虛寒上午痛必至下午方減血分不拘寒熱下午痛必至交子時方減

辨頭痛寒熱

凡喉證頭痛不止者屬外感表證也乍痛乍止者屬內傷裏證也偏頭痛者左屬風與血虛右屬痰熱與氣虛

辨白喉寒熱

喉間起白如腐爲害甚速鄭梅澗云此卽白纏喉風證如初起脈洪數或沉數有力其候惡寒發熱頭痛背脹徧身骨節疼痛舌微硬有黃苔喉內或極痛或微痛或不痛而喉內微硬此時疫白喉證也如初起脈沉細而數或發熱或不發熱其候咽痛而水米難下漸至朽爛形容枯槁此癆證白喉證也如初起脈沉遲無力其候不惡寒發熱惟喉內起白皮或白塊隨落隨長此虛寒白喉證也如初起脈浮數有力其候咽喉疼痛或兩邊或一邊紅腫如乳頭是卽雙單蛾治之不善卽變爲白此蛾風白喉證也此外如白點在外關小舌旁邊者多屬熱在內關小

舌內邊者多屬寒。熱證白點必乾澀。寒證白點必明潤。實熱證其白自外而內。虛寒證其白自內而外。熱證白塊浮於肉上。起凸寒證白塊陷於肉內。凹而不凸。熱證忌滿喉白。滿喉腫滿喉腫者必閉死。寒證不忌腫。並不忌滿喉白。只忌失音動痰。若失音動痰則不救矣。近見有好奇之輩。一遇此證。卽用象牙片動手於喉中妄刮其白。是益傷其喉。更速其死。豈不哀哉。

辨咽喉不治證

咽喉證或胸前脹急。或咽痛音啞。或唇翻鼻扇。或煩燥神昏。或鍼少商穴無血。或出氣喘促。四肢厥冷。或證脈相反。二便秘結。或面黑頭汗。鼻息閉塞。或咽喉腫爛。乾痛無涎。或潮熱往來。時

發謔語。或面青唇白。鼻流冷涕。或心胸緊滿。吐痰不出。或舌捲
胸紅。面赤浮腫。兩目斜視。或眼直口開。氣出無收。兩手垂散。或
虛陽上攻。腰冷痛癢。不知口中痰多。唇黑。或婦人產前咽喉腫
痛難忍。心頭疼脹。脈浮。此皆不治之證。

辨白喉不治證

白喉證。或音啞無聲。或白塊自落。或咽乾無涎。或天庭黑暗。或
兩目直視。或脣面俱青。或角弓反張。或痰壅氣喘。或汗出如漿。
或藥不能下。或七日滿白不退。或服藥大便不通。或未服藥大
便瀉。或大便連瀉不止。或頷下發腫不消。或服藥嘔吐不止。此
皆不治之證。

喉證指南卷二

嚴江寄湘漁父蒐輯

用藥總括

人之○一○身○百○病○皆○可○致○危○而○咽○喉○之○病○尤○易○致○危○咽○喉○中○有○白○
喉○一○證○尤○危○之○危○者○不○炊○黍○間○斃○可○立○待○雖○居○近○良○醫○之○門○旋○
發○旋○治○猶○若○恨○晚○而○林○荒○山○僻○之○境○更○可○知○已○茲○於○辨○證○之○後○
採○集○用○藥○經○驗○各○方○法○條○分○縷○晰○瞭○如○指○掌○俾○人○人○挾○是○書○以○
防○患○於○未○然○微○特○林○荒○山○僻○之○境○不○能○入○市○問○藥○者○不○啻○家○有○
一○醫○卽○居○近○醫○者○之○門○而○既○有○此○用○藥○經○驗○之○書○亦○較○愈○於○踵○
其○門○而○求○試○其○萬○有○一○效○之○技○者○矣○

宣肺

咽喉證無論寒熱總宜宣肺不宣肺則熱不退寒必斂加味甘桔湯鄭氏紫地湯的是要藥

熱證

熱證必先升散服升陽解熱湯再察其熱之輕重投藥輕者服連翹飲重者用清咽利膈湯加減

寒證

寒證如風寒必有表熱宜解表服敗毒散參蘇飲之類虛寒無熱卽有亦是虛熱不必解表先察其寒之輕重投藥輕則服五積散重則服溫胃湯及附桂理中湯之類

熱盛陽虛

邪熱既盛而真陽復虛之證。其脈浮緊而濡下之則恐亡陽。不下則邪熱復熾。此中秘竅。人多莫識。宜附子瀉心湯。寒熱並用。斯為有制之兵。

慎用表藥

表藥不過暫藉宣發內邪。使無遏抑。原不宜過用。須審的證候。或涼或溫。急宜轉方。蓋表藥多辛竅。過用不但耗散真氣。且虛者必至氣壅。至咽喉乾燥者。尤不可用表藥發汗。此由足三陰精血虛少。不能上滋。若誤汗之。命將難全。

熱證過服涼藥

熱證尙輕。過服大黃黃連。而病愈加者。急宜轉服。荊防敗毒散。加升麻。遲則恐邪陷。不得出也。若因寒涼傷胃。則必重用附朮。方克奏效。

寒證過服熱藥

寒證尙輕。過服薑附。而見燥證者。不必用涼劑解。擇黃土地。掘下三尺深。取黃土。用水攪濁。煎服數碗。再審何證。斟酌用藥。若係虛寒。誤服硝黃者。其見證與實火無異。舌苔或黃而黑。脣或乾而燥。但潤而不渴耳。非用煨生附子莫治。法以生附子一枚。用黃土調溼。裹置火內。煨至土乾。取出煎服。如無生附子。用熟附片二三兩煎服亦可。

解誤藥

熱證過服表劑者。雖不愈。尚不死。誤服補劑者。不急解。斷難生。
虛寒證過服表劑。雖不死。必增劇。誤服下藥者。不急解。必立斃。
解之之法。熱證誤服表散。溫補者。用生棗豆三四兩。研細末。冷
水調服。虛寒證誤服表散。寒涼者。用蜜炙附片一二兩。噙嚥其
汁。再酌用寒熱對證。飲散煎出。令患者先喫大米粥一碗。然後
服藥。則誤服之劑。卽解除矣。

旁取法

凡喉證勢來猛急。藥力難敵。須急用旁取之法。以分其勢。如喉
腫宜刺血。喉風宜吐痰。喉癰宜放膿。乳蛾宜鍼破。此皆古法。寓

有精意

用藥次第

喉證初宜疎風解毒。繼則滋水養陰。若元氣漸虛。急顧脾胃。如六味滋水。四君補脾。皆爲要藥。否則真氣虧敗。勢難挽矣。

用藥口訣

喉證用藥多有秘授口訣。如湯劑宜用開水泡蒸。不宜用火熬煎。吹噙藥宜置日中曬。研不宜用火烘焙。外敷藥宜取生質。搗研不宜另加炮製。

藥不須忌

喉科專家傳授。各有忌藥。有忌升麻者。有忌細辛者。有忌麻黃

者有忌白朮地黄者更有全忌表藥者種種惡習深可慨歎夫
證有必用雖砒霜皆要藥證不可用雖參茸皆毒藥若舍證而
言藥何藥不忌

白喉四證

白喉用藥須先辨明時疫癘證虛寒蛾風轉變四證如由火毒
內盛而發白者此爲疫證白喉如由蛾風治之不善久而變白
者此爲風證白喉如初起無惡寒發熱喉內起白皮隨落隨長
者此爲虛寒白喉如由真陰虧損虛火燥金咽喉久而成白者
此爲癘證白喉疫證殺人最速且多傳染宜急治之風證證異
治同宜敗毒去風清火表不治補死瀉危專用吹藥或恃鍼灸

均○危○虛○寒○宜○桂○附○癆○證○宜○熟○地○誤○危○別○有○喉○癰○治○同○疫○證○

白喉兼證

白○喉○或○寒○或○熱○必○兼○感○雜○證○若○萬○難○兼○理○只○治○白○喉○不○理○雜○病○
而○雜○病○自○愈○何○也○病○未○有○不○相○因○也○或○白○喉○已○愈○而○雜○證○未○愈○
或○白○喉○已○愈○而○雜○病○又○生○則○在○醫○者○變○而○通○之○神○而○明○之○也○

白喉傳染

白○喉○不○無○傳○染○然○未○必○因○熱○證○傳○染○者○卽○爲○熱○證○而○用○涼○藥○因○
寒○證○傳○染○者○卽○爲○寒○證○而○用○熱○藥○當○視○人○稟○受○之○強○弱○氣○血○之○
虛○實○下○藥○庶○無○刺○謬○

白喉誤死

白喉非死證也。惟用藥者止知有熱證而不知有寒證。或知有寒證而不知有熱證。以故白喉之死非死於附桂。卽死於硝黃。是誤於時疫二字者半。拘於白屬寒之一說者半。甚矣證之宜審用藥之宜慎也。

服藥後禁忌

凡服藥後切忌風吹。並忌一切酒肉油膩辛辣之物。愈後猶須禁忌兩旬。或一月。服藥時蔬菜中忌食萊菔。愈後忌。

附看證防護

看證日閒令病人向光明處正坐。醫者左手按髮際。右手持箸。按住舌心。細看喉嚨兩邊。是何證。看的再擬方用藥。晚間則用。

兩油紙撚。一照腦後。一照口前方。看得明的。醫者亦須自防護。不可空腹入病家看證。須先飽食。或飲雄黃酒一杯。或食蒜一二瓣。卽不傳染。

附
用鍼法

喉風諸證。皆由肺胃臟腑。深受風邪鬱熱。風火相搏。致氣血閉澀。凝滯不能流行。而風痰得以上攻。結成種種熱毒。非用鍼法開導經絡。以助藥力。難期速效。如緊喉風、纏喉風、喉閉、乳蛾、喉癰、時疫、白喉等證。宜先從少商、少衝、合谷三穴。男左女右。各依鍼法刺之。以出惡血。次用蒜泥拔毒散。敷經渠穴。以洩毒水。如服藥不退。心中惡逆。精神困憊。昏迷不醒。語言不清。疼痛難忍。

者再於舌根底下兩邊青筋上輕輕刺之深以半分許爲度俟放出惡血隨用涼水漱淨其舌底下當中直連上下青筋上切不可刺若誤刺傷筋血出不止立死無救慎之慎之再考人神所在忌用鍼刀如每月初五日人神在口忌鍼上喙癰雙單蛾喉疔舌根下初六日人神在手忌刺少商少衝合谷諸穴十五日人神在徧身無論何證何穴均不宜鍼刺此外如乙日人神在喉巳日人神在手戌日在咽喉亥日在項卯時在面辰時在口項俱忌用鍼刀不可妄施誤人性命所有用鍼各穴道另繪圖列後閱者宜留心而熟玩焉

附製鍼法

製鐵須用馬口久銜環鐵。翦去兩頭。取中間挨舌挨齒一段。以馬屬午午屬火。火尅金。取尅制能解鐵毒之義也。其煅鍊之法。將鐵煅紅。錘鍊冷後再煅再煉。去盡鐵屑。專取精華。照後圖式製煉。長約五六寸。一頭圓尖。一頭三稜尖。用蟾酥塗鐵上。復入火中微煅。勿令紅。取起復照前塗蟾酥煅鍊三次。乘熱插入臘肉皮之裏。肉之外。將後煮鐵藥。用水三椀煎沸。以鐵連肉納於水內。煮至水乾。傾入清水中待冷。將鐵取出。於黃土中插百餘下。俾去火毒。再用細磨石磨光。隨用松子油塗之。以潔布揩淨。須常近人氣。方不起銹。若以真金銀製鐵用之。更妙。其鐵式及煮鐵藥。另繪圖列方於後。

煎鐵藥方

真磁石 一兩俗名吸鐵石將石用手掌擦熱距鐵鈔一二分遠引之鐵即搖動者良能引諸藥入鐵內乃鍊醫鐵要藥

真沉香 五錢上有鷓鴣斑點者名黃沉如牛角黑色者名黑沉試之沉水嗅之無香以水磨汁含口內滿口皆香者真

膽礬 二錢圓扁如鴨嘴外面微白中透亮如藍色玻璃磨鐵作銅色者真市人多以醋揉青礬偽之 穿山甲 三錢

明珠砂 三錢 當歸尾 三錢 川芎 三錢 沒藥 三錢 鬱金 三錢 細辛 三錢 甘草節 五錢

石斛 一錢 麝香 五分 上藥可煮鐵十枚如鐵少藥分兩照鐵數減之

附鐵式圖

鐵長五六寸。一頭圓尖。一頭三稜尖。照式製鍊。


附用鐵穴圖

卷三 用藥


覆手圖

仰手圖

考經渠在手腕寸脈後陷窩中，少商在手大指內側端，去指甲角一韭葉許，少衝在手小指內側端，去指甲角一韭葉許，三穴均屬肺經。合谷在手大指次指歧骨間陷中，屬大腸經。此四穴是治喉證鍼刺要穴，餘勿妄鍼。



合谷



經渠

少衝

少商

喉證指南卷三

嚴江寄湘漁父蒐輯

證治總括

咽○喉○生○於○肺○胃○之○上○咽○居○喉○後○能○嚥○物○應○乎○地○氣○主○通○利○水○穀○
為○胃○之○系○乃○胃○氣○之○通○道○也○長○一○尺○六○寸○重○六○兩○屬○脾○土○其○變○
動○為○溼○溼○則○腫○而○脹○喉○居○咽○前○中○央○空○應○乎○天○氣○主○氣○息○出○入○
為○肺○之○系○乃○肺○氣○之○通○道○也○內○九○節○長○一○尺○六○寸○重○十○二○兩○屬○
肺○金○其○變○動○為○燥○燥○則○塞○而○閉○咽○喉○雖○稱○並○行○其○實○異○用○也○人○
身○惟○此○二○關○最○為○緊○要○氣○之○呼○吸○食○之○升○降○而○人○命○之○存○亡○係○
焉○凡○咽○喉○之○病○挾○熱○者○十○之○六○七○挾○寒○者○十○之○二○三○而○風○寒○包○

火者則十之八九。古人開手一方，只用甘草、桔梗三因方，加以
荊芥、其他牛蒡子、薄荷、貝母、黃連之類，皆出後人增入。可見咽
喉之病，不便輕用寒涼清降之劑，而專主開發升散者，所謂結
者開之，火鬱發之，是已。及其火勢極盛，則清劑方施，熱結下焦，
而攻法始用，非得已也。方書雜稱咽喉病有三十六證，命名各
殊，治法亦異，眩人心目。茲特詳加訂正，不遺不贅，並集時醫治
自喉方法，釋其平善至效者，次於各證之後，誠以咽喉關要之
地，命如懸縷，學者宜盡心焉。

喉痺

凡喉間腫痛，統名之曰喉痺。經云：一陰一陽結，謂之喉痺。王太

僕云一陰者手少陰心一陽者手少陽三焦也心爲君火三焦爲相火二火衝擊咽喉痺痛法當散之清之古人通用甘桔湯加味甘桔湯鄭氏通用紫地湯加減然有虛火實火之分不可不審故下條先列緊喉慢喉二證一虛一實以爲各證準繩

緊喉風

緊喉風脈浮數有力實火實證也由膏梁厚味太過致肺胃積熱復受風邪風熱相搏上壅咽喉腫痛暴發甚則風痰壅塞湯水不下聲音難出治法先用三稜鍼刺少商穴出惡血以瀉其熱痰盛者用桐油餞導吐痰涎吐後以甘草湯漱之隨用清茶送服雄黃解毒丸五六丸再以辛烏散加摩風膏內噙外敷吹

回生丹。白降雪散。俟關開後。熱輕者。內服。加味甘桔湯。兼用紫地湯。加銀花。黃芩。連翹。清散之。熱重者。用清咽利膈湯。加減治之。考少商穴。係手太陰肺經所屬。在手大指內側。去指甲角旁。韭葉寬。便是。

慢喉風

慢喉風。脈沉遲無力。虛火虛證也。由平素體虛。更兼暴怒。或過食五辛。或憂慮太過。以致脾氣不能中護。虛火易至上炎。其發緩。其色淡。其腫微。其咽乾。舌見滑白。胎湯清。便利飲食。減少。唇如礬石。午前痛甚者。屬陽虛。宜四君子湯。加清涼。如麥冬。玄參。桔梗。牛蒡子之類。午後痛甚者。屬陰虛。宜四物湯。倍生地。加桔

梗、玄、參、之、類、不、效、用、少、陰、甘、桔、湯、宣、達、之、不、效、用、加、減、八、味、湯、
加、牛、夕、主、之、有、虛、熱、六、味、地、黃、湯、主、之、俱、兼、用、冰、蓬、散、一、錢、加、
燈、草、煨、灰、存、性、三、分、吹、之、

纏喉風

纏、喉、風、脈、浮、數、有、力、實、熱、實、證、也、亦、由、醇、酒、厚、味、太、過、致、肺、胃、
積、熱、復、受、風、邪、上、壅、咽、喉、所、致、其、候、麻、癢、腫、痛、紅、絲、纏、繞、聲、音、
難、出、湯、水、不、下、痰、涎、壅、塞、之、聲、頗、似、拽、鋸、初、發、暴、速、急、鍼、少、商、
穴、出、惡、血、以、洩、其、熱、用、桐、油、餞、導、吐、痰、涎、吐、後、以、甘、草、水、漱、淨、
隨、用、清、茶、送、服、雄、黃、解、毒、丸、七、丸、並、用、辛、烏、散、加、摩、風、膏、內、噙、
外、敷、以、散、其、毒、如、或、腫、勢、達、外、繞、及、頸、項、頭、面、紅、如、火、光、藥、力、

難敵者用瓷鋒於頸項腫處砭出惡血。以雞子清調乳香末潤之。如或口中腫脹紫黑。用銀鍼輕刺出血。以淡鹽湯洗之。隨吹回生丹。白降雪散。俟關開後。熱輕者內服加味甘桔湯。兼用紫地湯。加銀花黃芩連翹清散之。熱甚者用清咽利膈湯。加減治之。此證雖與緊喉風相似。而病勢險惡尤甚。若非吐痰解毒煎丸並進。刀鍼砭石。按法施治。鮮克有濟。

走馬喉風

走馬喉風脈浮數有力。由邪熱客於心肺火熾所致。喉舌之間暴發暴腫。轉腫轉大。不速治卽殺人。急用鍼點刺出血。以鹽湯洗之。吹冰蓬散。外敷救急異功散。內服加味甘桔湯。加銀花一

二而兼用紫地湯加減閒服之。若牙關緊急則用搐鼻散吹鼻中。隨以雄黃解毒丸醋磨七丸灌之。兼用太乙紫金丹噙嚙其汁更佳。此丹治咽喉諸證無往不神驗也。

纏舌喉風

纏舌喉風脈浮數有力其證硬舌根而爛兩旁此由脾腎火鬱所致。急服紫地湯吹冰蓬散噙太乙紫金丹。緩則不救。爛處須先用甘草水漱洗淨然後吹藥。

啞瘴喉風

啞瘴喉風脈浮數有力證與緊喉風相類。由肺胃蘊熱積久生痰外復受風邪與痰熱相搏壅塞咽喉之上而成。初起咽喉腫

痛湯水難嚥。語言不出。牙關緊急。此屬險候。急用雄黃解毒丸。水化五六丸。用細竹管將藥水吹入鼻孔。直達咽喉。藥入作嘔。卽令吐之。其牙關頓鬆。咽喉卽漸開。先與清米湯飲之。次服清咽利膈湯。噙辛烏散。吹冰蓬散。外敷救急異功散。用藥不應者。險若昏黑鼻流冷涕者。逆。

弄舌喉風

弄舌喉風脈浮數有力。由心脾實火與外寒鬱遏凝滯而成。其候咽喉腫痛。痰涎堵塞。音啞言澀。舌出不縮。時時攪動。覺舌脹悶。常欲以手捫之。急鍼少商穴。出血。口噙蟾酥丸。徐嚥藥汁。若痰涎上湧。不能嚥藥者。急用桐油餞探吐痰涎。隨服清咽利膈

湯吹金鎖匙。若喉內起如松子如魚鱗狀不堵不塞者此係虛陽上浮不宜鍼刺。急用蜜炙附子片噙嚥其汁卽效。鄭梅澗云此卽喉風三十六證中之魚鱗風。松子風證不可妄用鍼刀。宜服紫地湯。便秘者加犀角木通玄明粉一錢。兼用辛烏散。冰蓬散相間吹噙勿斷自然獲效。

上喎癰

上喎癰亦名懸癰。生於口中上喎。其脈浮數有力。由心脾二經蘊熱而成。形若紫葡萄。舌難伸縮。口難開合。鼻中時流紅涕。令人寒熱大作。輕者宜服加味甘桔湯。紫地湯。重者宜服黃連解毒湯。加桔梗玄參均用冰蓬散。紫雪散。辛烏散。太乙紫金丹相

間吹噲。或日久腫硬下垂不潰。用鍼輕輕點破癰頭。以鹽湯攪淨瘀血。若是生在上喙中間。乃七竅相連之處。萬勿誤用鍼刀。宜用燒鹽散。日點四五次。仍吹冰蓬散。服加味甘桔湯。紫地湯。此證若過時失治。或口耳鼻中有一處出膿血者。卽是毒氣上攻頭腦。月穿七竅。必致不救。

鎖喉毒

鎖喉毒脈浮數有力。由心與小腸積熱外感風寒凝結而成。初生於耳前聽會穴。形如癰癤。漸攻咽喉。腫塞疼痛。妨礙飲食。證須速治。宜服牛黃清心丸。開關解熱。兼服清咽利膈湯。吹冰蓬散。並用太乙紫金丹。內噲外敷。方能成功。考聽會穴係膽經所

屬在耳珠下。動脈宛宛中。開口有空側臥。張口取之。卽是。

喉癰

喉癰脈浮數有力。實熱實證也。初起脈洪數有力。自頭至胸皆腫痛。異常口不能張。食不能下。頸前結喉兩旁探之有核。此由足厥陰肝足陽明胃二經火毒上攻所致。法用生土牛夕根煎水服數次。引熱下行。再按第二十五條治時疫白喉方法治之。自能見效。

喉閉

喉閉證脈浮數有力。由肝肺火盛。復受風寒相搏而成。其候面赤腮頰漫腫。喉中有塊如拳。湯水難嚥。語言不出。暴起身發寒。

熱急刺少商穴出血。或鍼合谷穴以開咽喉。初宜疎散。服荊防
敗毒散。寒熱已退。卽酌用清咽利膈湯。兼吹紫雪散。隨以薑汁
漱口。以宣其熱。或用醋漱。以消積血。痰涎壅塞者。桐油餞探吐
之作膿。脹痛者。防透咽喉。不可輕鍼。急用皂角末吹鼻取嚏。並
以皂角末醋調厚敷項腫處。少項其腫卽破。初腫時宜用生羊
肉片貼之。又有酒毒喉閉。由酒毒蒸於心脾。二經熱壅咽喉。喉
腫色黃。其人面赤目睛上視。仍以桐油餞導吐痰涎。內服鼠黏
解毒湯。亦用紫雪散吹之。

喉疳

喉疳證脈細而數。由腎液久虧。相火上炎。消鑠肺金所致。初起

微腫微痛噦涎淡紅覺咽嗑乾燥如毛草常刺喉中日久腫痛
漸增聲啞痰臭破爛腐衣疊若蝦皮遂致妨礙飲食胃氣由此
漸衰而虛火益盛煩燥者宜知柏地黃湯吐酸噦涎者宜清露
飲加川連便燥者兼服潤燥膏面脣恍白貪眠懶食者宜歸脾
湯加酒炒黃連腫吹紫雪散腐吹八寶珍珠散或可十全一二

喉癰

喉癰右脈浮數由過食炙煇藥酒五辛等物以致熱積於胃胃
火熏肺而成其候咽嗑乾燥初覺時癢旋生苔蘚色暗木紅燥
裂疼痛時吐臭涎妨礙飲食宜服廣筆鼠黏湯未潰吹礬精散
已潰吹清涼散患者清心寡欲戒厚味發物或者十全一二若

失治兼調理不謹致生黴爛延漫開大疊起腐衣旁生小孔若
蟻蛀蝕之狀多致不救

乳蛾

乳蛾脈浮數有力實熱實證也有單有雙雙者輕單者重由肺
經積熱受風邪凝結感時而發生咽喉之旁狀如蠶蛾其候咽
喉紅腫疼痛難以吞嚥或惡寒發熱或不惡寒發熱生於關前
者形色易見吹藥易到手法易施則易治生於關後者形色難
見吹藥難到手法難施故難治初起切勿妄施鍼法宜用捷妙
散吹鼻中打噴嚏四五次卽消不效再按法施治先以摩風膏
少許入辛烏散并水調噙並以鵝翎挑塗蛾上令患者閉目噙

良久俟滿口痰來吐出再吹赤磨散冰蓬散外敷救急異功散
輕者內服紫地湯重者兼用清咽利膈湯加減易見者膿熟鍼
之難見者用鷄翎探吐膿血若兼痰壅氣急聲小探吐不出者
險急鍼少商穴出紫血仍吹服前藥緩緩取效

喉瘤

喉瘤脈微數無力虛證也由肝肺二經鬱熱更兼性躁多言損
氣而成形如圓眼紅絲相裹或單或雙生於喉旁不犯不痛或
因醇酒炙燻或因怒氣喊叫犯之則痛最忌多言耗神戒用鍼
刀宜服加味道遙散益氣清金湯點消瘤碧玉散並用夏枯草
鬱金煎水代茶飲日久自然消退

喉疔

喉疔脈浮數多生外關小舌旁邊形似鞞釘但差長耳多由心肺二經火毒所發先用鍼輕輕點破疔頭吹點冰片散隨用甘桔湯重加白菊花煎服蓋菊花連根帶葉皆消疔之聖藥也每用四兩加甘草五錢煎湯頓服一切疔毒皆能消散生汁尤效

喉瘡

喉瘡形如粟米有虛實二證實證由於風熱初起必作寒熱瘡色紅黃右脈浮數有力此因平昔過食煎炙熱積胸膈兼新受風邪感觸而發治宜先用辛烏散調噙導去痰涎若瘡勢灌膿以銀鍼挑破隨用荆芥湯洗之吹冰片散服紫地湯其上疔生

瘡者脾熱也。舌上生瘡者心熱也。治如前法。虛證由於內傷多
因咳嗽吐血之後而發。初起不作寒熱。惟內熱口渴。兩尺脈浮
數無力。其瘡色白燥不潤。此乃真陰虧損。相火上炎。肺金所致。
若以六味補水。其水不能驟生。以參麥保肺。而久炎之金。又非
參麥能療。以八味降火。而咽喉之地。難受桂附之性。以滋腎丸
互治水火。而水火不能既濟。惟急用甘露飲治之。使水火各安
其位。得以濬其源。而安其流。能導龍歸海。俾五行自有相生之
象。然後再察色脈。分別治之。或六味或歸脾。或養榮。諸方佐之。
自然獲奏神效。此證若過時失治。雖有靈丹亦屬無濟。

肉毯

肉毬脈如常生於咽喉之上舌根之旁有肉線長五寸餘吐毬
出方可飲食以手輕捻痛徹至心多是心脾二經鬱熱所致用
甘桔湯加疎風降火藥每服加麝香二分再吹以麝香散肉線
自化而愈若妄用鍼刀傷斷肉線卽不可救

表裏咽痛

咽痛有表裏寒熱之分不可不辨如感冒風寒在表而兼咽痛
者脈必浮緊此風火聚於肺也宜用甘桔湯加荆芥防風薄荷
枳殼牛蒡之類以散之若足少陰裏證兼咽痛者以少陰之脈
循喉嚨挾舌本也宜分寒熱治之如傷寒傳經少陰口燥舌乾
而咽痛者其脈沉細而數甘桔湯主之甚則加黃連玄參牛蒡

之屬如寒邪直中少陰逼其無根失守之火浮游於上以致咽
痛者其脈沉細而遲必兼下利清穀手足厥冷諸證但溫其中
治其寒而咽痛自止宜薑附理中四逆等湯加桔梗主之復有
伏氣咽痛此乃非時暴寒潛伏足少陰經越旬日而後發當用
辛溫以散半夏桂枝甘草湯主之更有發汗過當內損津液而
成咽痛者宜用參耆歸朮調補元氣收斂汗液而痛自除總之
咽痛宜通用甘桔湯加減投治在表者加散藥在裏者分別寒
熱加溫涼藥無有不效者

肺絕喉痺

肺絕喉痺此由喉痺日久頻服清降之藥以致痰涎壅於咽喉

聲如拽鋸此肺氣將絕之候證在難治宜用獨參湯加橘紅兼
進十全大補湯早服者可救十中之二三

經閉喉腫

經閉喉腫脈微數由婦女中情鬱結經水不調壅塞經脈所致
宜用四物湯加牛夕芫蔚子香附桃仁服之俾經脈流通其腫
自消

梅核氣

梅核氣脈如常男婦皆同喉中如有物吞不入吐不出宜用甘
桔湯加蘇梗橘紅香附金沸草之類漸次可愈

時疫白喉

時疫白喉一證乃纏喉急痺至危至險小孩血氣未充尤易傳染初起脈洪數或兩關左尺沉數而躁其候惡寒發熱頭痛背脹偏身骨節疼痛狀類傷寒初無形迹可見唯舌微硬有黃苔頰額微腫喉內或極痛或微痛或不痛而喉內微硬與傷寒無異有隨發而白隨見者有至二三日而白始見者或由白點白條白塊漸至滿喉皆白治法皆同若誤投表劑致毒散渙或擅用硝黃誅伐無過或辨證未明率投平淡之劑此爲優容養茲必至病入膏肓治法初起用葛根蟬退殭蠶以散風退熱用牛蒡連翹金銀花土茯苓以消腫敗毒用玄參地黃天門冬麥門冬以清金生水用黃芩黃連生梔仁山豆根生石膏以瀉火救

水用木通、澤瀉、車前子以引熱下行。重者酌加馬勃、龍膽草。每日另用生土牛夕根或於未服藥之先既服藥之後煎水間服。再以萬年青搗汁或服或噙。又每日食生青果十數枚如無生青果卽用乾青果煎水當茶飲。輕者以除瘟化毒散主之。重者以神功辟邪散主之。再重者以神仙活命湯主之。輕者日服一二劑。重者日服三四劑。將疫毒由上焦引至下焦俾從二便而出。二便通利火毒下行此爲吉兆。若大便閉塞少加元明粉便通卽去。服藥後喉內或白收緊或白稀疎或白微赤或白轉黃此卽藥之功效。若日服藥二三劑而白不退連服十數劑而白愈有加治者當詳審病源細察脈情或舌苔黃黑喉燥唇焦或

小便短澀而黃或大便瀉泄帶黑此乃火毒凝結臟腑病勢過重藥力尙輕應兼服龍虎二仙湯如或熱毒堵塞咽喉呼吸不通用雄黃解毒丸五分口噙以津液徐徐送下卽通然究係厲劑不宜輕用多服白點退完後當用清涼之劑收功以清心滌肺湯主之日服一劑二三劑卽可撤盡餘毒再服養陰之劑以養正湯主之脾胃素弱者兼服銀花四君子湯總賴以圓機行活法也如遇牙關緊閉不能看證者以烏梅擦牙卽開不效用開關散又或初起之時及服藥後咽喉痛不可忍神疲音啞者急鍼少商穴出惡血用蒜泥拔毒散敷經渠穴出毒水用秘製青梅乾口噙取津先吐後嚥再用瓜霜散白降雪散吹之如咽

喉、頸、項、腫、痛、以、救、急、異、功、散、敷、之、痰、涎、壅、甚、者、用、桐、油、餞、頻、塗、
喉、內、導、吐、其、痰、或、用、辛、烏、散、冷、水、調、噙、均、能、見、效、以、上、各、方、法、
除、癆、證、白、喉、寒、證、白、喉、外、凡、乳、蛾、喉、癰、及、喉、內、腫、痛、諸、證、均、可、
按、方、依、法、治、之、但、藥、味、須、視、其、人、之、強、弱、察、其、證、之、輕、重、酌、量、
加、減、耳、按、經、渠、穴、係、手、太、陰、肺、經、所、屬、於、手、腕、寸、脈、後、陷、窩、處、
取、之、便、是、又、考、鄭、梅、潤、治、白、喉、悉、用、大、劑、養、陰、清、肺、湯、吹、青、鳳、
散、投、之、多、效、並、錄、以、備、急、用、

蛾風白喉

蛾、風、白、喉、脈、浮、數、有、力、由、乳、蛾、治、之、不、善、則、氣、閉、不、起、日、久、轉、
變、白、喉、爲、禍、甚、烈、先、用、生、土、牛、夕、根、煎、服、引、熱、下、行、再、以、治、時、

疫白喉方法治之或兼用鄭氏大劑養陰清肺湯自可獲效

癆證白喉

癆○證○白○喉○脈○沉○細○而○數○按○之○無○力○由○陰○虛○火○燥○所○致○非○時○疫○白○喉○證○也○其○候○咽○喉○痛○極○而○水○米○難○下○漸○至○朽○爛○形○容○枯○槁○面○目○憔悴○宜○用○鄭○氏○大○劑○養○陰○清○肺○湯○重○加○生○熟○二○地○兼○吹○青○鳳○散○不○可○間○斷○服○至○白○退○痛○減○方○止○若○以○此○證○誤○認○爲○時○疫○白○喉○治○以○時○疫○白○喉○方○法○差○之○毫○釐○失○之○千○里○矣

虛寒白喉

虛○寒○白○喉○脈○沉○遲○無○力○由○秉○質○素○弱○兼○感○寒○邪○所○致○非○時○疫○白○喉○證○也○初○起○無○惡○寒○發○熱○飲○食○如○常○惟○脣○白○面○青○精○神○疲○倦○喉

內起白皮或白塊隨落隨長非附桂不愈宜多服溫胃湯附子
理中湯白退自安若以此證誤認爲時疫白喉治以時疫白喉
方法必致不救

附

舌證

凡舌腫木硬不能轉動曰木舌舌上血脈脹起狀如小舌曰重
舌舌下浮腫靠牙根連起數瓣曰蓮花舌皆由心脾火熾所致
脈多浮數宜先用水洗去舌上白垢若有黑點可於黑點土輕
輕鍼破出血惟蓮花舌只可於左右邊瓣上鍼之中瓣切勿妄
鍼蓋舌下當中有一筋直連上下若誤傷筋立死無救此數證
均宜用辛烏散冰蓬散相間吹噀內服紫地湯加連翹黃連舌

疔證亦由心脾火毒而成舌上起紫炮如豆堅硬寒熱疼痛應
心初起宜用蟾酥丸含於舌下隨化隨嚥或先服三粒以解內
毒甚者於疔頭上鍼之內用黃連解毒湯重加白菊花煎服兼
用紫雪散吹噀徐徐嚥之舌衄證專由心火上炎致血熱妄行
其候舌上生孔如鍼尖血出不止熱甚孔色紫黑須防腐爛宜
服清熱解毒湯倍生地加犀角或用甘桔湯重加生地丹皮兼
吹涼心散冰片散帝中風證卽俗名小舌風此亦由心脾火熾
所致初起多痰小舌紅腫作痛不能飲食日久漸長大出來甚
有長出寸許攔腰爛去半截或小舌全行爛去者雖屬惡證仍
爲無害治法先用辛烏散冰蓬散相間吹噀內服紫地湯忌用

鍼刀如日久小舌黑爛者回生丹不宜用當以真功丹去牙硝吹之或聖功丹相間互用至於水劑仍以紫地湯加減出入投治不可拘執呆方也

附齒證

牙疔牙癰牙疔牙宣合架風等證脈多浮數皆由陽明胃經溼熱火毒上攻所致牙疔生兩旁牙縫腫起一粒形如粟米痛連腮頰急用鍼挑破出血先以蟾酥丸噙化徐徐嚥之再服黃連解毒湯牙癰初起牙牀腫痛隨生癰毒宜先用辛烏散冰蓬散相間吹噙再服紫地湯清胃散用陳茶薄荷金銀花煎水頻飲牙宣牙根宣露於外牙疔牙縫出血不止治同牙癰合架風在

上下牙牀盡根句合之處起一紅核腫痛難忍甚則牙關緊閉不能開口宜先用辛烏散調噙次用鍼輕輕點破出血吹冰蓬散赤麁散內服紫地湯清胃散如患者畏鍼刀用消蘆散熏之卽破破後難於收功用生肌散吹之至走馬牙疳多由癖疾積火痘疹餘毒上攻而成其候牙根作爛隨變黑腐臭穢難聞治法由癖疾積火攻牙者初宜服蘆薈消疳飲由痘疹餘毒所中者初宜服清肝解毒湯脾胃虛弱者兼服人參茯苓粥外勢輕者用人中白散擦之若堅硬青紫漸腐穿腮齒搖動者用蘆薈散擦之凡牙疳見紅肉流血者吉若頑肉不脫腐爛漸開身熱不退者皆屬逆證再牙疳愈後最易復發惟慎飲食者可免

如山藥、栗子、鵝蟹、甜、棘、燒、炙、煎、燂、等物俱宜痛戒。

附
唇證

唇病右脈浮數其證有四曰唇疔曰唇疽曰唇風曰繭唇俱由脾胃火毒結聚而成唇疔生唇稜偏裏初起寒熱交作痛癢麻木宜按疔門用蟾酥丸五味消毒飲汗之忌用灸法唇疽腫硬木痛形似小棗初起寒熱交作宜服神授衛生湯裏實者雙解貴金丸外塗離宮錠唇風初起發癢色紅作腫日久破裂流水痛如火燎宜內服雙解通聖散外抹黃連膏繭唇唇上起小泡如豆粒漸長似蠶繭堅硬疼痛初起宜用蒜片艾絨灸之再用蟾酥丸磨塗內服瀉黃散清涼甘露飲便秘者兼用涼膈散

附鼻證

鼻證右脈浮數其名不一俱由肺經鬱熱與外感風邪上攻所致如鼻竅腫塞痛引腦門脣腮浮腫此鼻疔證也宜蟾酥丸汗之並用蟾酥丸研末吹入鼻竅外塗離宮錠太乙紫金丹再加以味甘桔湯加白菊花煎服如鼻竅時流黃水濁涕此鼻淵證也宜奇授藿香丸服之若久而不愈鼻中淋瀝腥穢血水頭眩暈而痛者此蟲蝕腦也宜用天羅散兼服補中益氣湯如鼻内生如石榴子漸大下垂色紫微硬撐塞鼻孔者此名鼻痔宜服辛夷清肺飲外點礪砂散如鼻竅內初覺乾燥疼痛狀如粟米或鼻外紅腫痛似火灸此名鼻瘡宜黃芩湯清之外用油紙搽

黏辰砂定痛散送入鼻孔兼用黃連膏抹之

附腮證

腮證一名腮癰一名穿腮發初起均寒熱往來脈浮數有力腮癰生腮下無論左右總發端於陽明胃熱宜先用辛烏散冷水調噙次用瓷鋒於焮腫紫黑處砭出惡血內服柴胡葛根湯吹冰片散緩緩取效穿腮發起於耳前連及腮頰乃手少陽三焦足陽明胃二經風火所致初起熱不甚者宜服升陽散火湯外以清胃散擦牙直君妙貼散敷腮自能取效此二證皆繞喉焮腫若初起過服涼藥致毒攻喉者險

附耳證

耳證脈如常或浮數其候耳內悶腫出膿因膿色不一而名亦各殊如出黑色臭膿者名耳疳出青膿者名震耳出白膿者名纏耳出黃膿者名停耳俱由胃溼與肝火相兼而成概用柴胡清肝湯主之兼用太乙紫金丹辛烏散相間噙敷自能獲效

治驗醫案

常僊珊息白喉初起惡寒發熱寢食爲艱延張善吾診視是時疫白喉證治以除瘟化毒散日服三劑病加沉重改用神功辟邪散仍日服三劑連日投之病無增減其家驚恐異常善吾曰此證危險雖四五日服藥十餘劑實因藥不勝病縱不見減亦未有加特恐信任不專另更別方必生敗證其家深信之善吾

又以神仙活命湯投之。白點稀疎。其家猶未之知也。而善吾已知其大有起色矣。十日內食不下。咽投藥三十餘劑。而白退盡。方能飲食。以清心滌肺湯收功。後談及諸證。始知僊珊深於醫術。故信之堅。此見證確。信任專。服藥守方之明驗也。

周堯階患喉證。自頭至胸皆腫痛。口不能張。食不能下。經十餘日。衆醫束手。延善吾診視。尙無敗證。細探頸左右各有一核。知爲喉癰。以土牛夕根煎服數次。引熱下行。隨服除瘟化毒散。二劑。喉內痰涎湧出。不移時吐膿。一日夜約三四碗之多。病稍減。復用神功辟邪散。神仙活命湯加減。去土茯苓。金銀花。馬勃。日二劑。服至十餘劑。始愈。此證異治同加減合法之明驗也。

周姓女患白喉唇白面青精神疲倦無惡寒發熱證喉內白塊
隨落隨長飲食如常服消風敗毒藥不效善吾診視脈沉遲無
力知爲虛寒投附子理中湯而愈此虛寒用熱劑之明驗也
馬媪年逾六旬患喉痛忽然音啞無聲無惡寒發熱而喉內亦
無白點此爲風寒入肺善吾投羌活麻黃而愈但表藥爲白喉
所最忌非審證明確不可妄投此審證用藥之明驗也
張姓患白喉小舌旁一點脈浮數而細延黃再生診視先
用敗毒散繼用連翹飲未服而再生有故他往其家恐藥力太
輕別請醫與涼膈散病愈劇轉服荊防敗毒散加升麻而愈此
輕證不可用重劑之明驗也

周姓婦懷孕數月。病白喉。月餘。因不甚痛。兼有雜證。其家並不
知爲白喉。一日偶言喉痛。視之內關。盡白。再生曰。幸而未服涼
藥。急與溫胃湯。數日而愈。夫附子。半夏。孕婦忌藥也。竟無恙。後
生一女。此虛寒用溫補之明驗也。

某富翁五十得子。護惜甚。凡食物稍寒。不許入口。忽患白喉。痛
極。再生視之。知有積熱。用清咽利膈湯。翁不與服。再生辭去。後
醫迎其意。與以附朮。三日死。此實熱必用寒涼之明驗也。

周姓有子三。俱患白喉。證伯與季已死人。薦再生往視。其仲白
將滿矣。服理中湯而愈。後其家傳染者三人。一五積散。一連翹
飲。一理中湯而愈。此傳染不可拘方之明驗也。

喉證指南卷四

巖江寄湘漁父蒐輯

採方總括

古人製方。佐使君臣配合恰當。從治正治。意義深長。如金科玉律。以爲後人楷則。惟在善用者神而明之。變而通之。如淮陰背水陣。諸將疑其不合兵法。而不知其正在兵法中也。茲將喉科應用諸方。擇其理法兼備者。分湯劑。吹劑。噙劑。敷劑。挨次採登。其證中未收用者。載一附字。以別之。復於湯劑中。分寒熱輕重。氣血虛實。吹噙敷劑中。區別宜忌。如風痰積熱。宜清輕寒涼。忌用辛溫。咽痛惡寒。宜薑汁漱口。忌用收澀。婦人有孕。咽痛。忌用

麝香久病氣血兩虛。臟寒喉痛。忌用冰片。以二味辛香走竅。反致昏曠墮胎也。餘可意會類推。

服劑

加味甘桔湯。通治咽痛喉痺。火鬱在肺。喉證通劑。

甘草二錢 桔梗一錢 荆芥 牛蒡子炒 川貝各一錢 薄荷四分 水煎

服內熱甚或飲食入口即吐。加黃連。口渴舌燥。加黃芩。黃柏。

黃連 梔仁 煨腫 加金銀花。

紫地湯。統治喉風三十六證。百發百中。至神至奇。喉證通劑。

紫荊皮 小生地各二錢 淨茜草一錢 又名地蘇木 荆芥穗 防風

京赤芍 牡丹皮 芽桔梗各八分 蘇薄荷葉 生甘草各六分

北細辛四分引加燈心二十節茜草藤一錢開水泡藥蒸服

證輕者日二服證重者日三服加減法孕婦去丹皮加

四物湯熱甚加連翹犀角頭痛閉塞加撫川芎煩渴

加天花粉大元參潮熱加柴胡黃芩咳嗽加麥冬知母

大便秘結小便赤澀加木通數日不大便者加元明粉

熱壅肺閉氣息喘促加麻黃五分先滾去浮沫再入藥內合蒸

痰稠者加川貝陰虛合四物湯

升陽解熱湯治咽喉風熱初起熱證輕劑

芽桔梗 荆芥 紅柴胡 防風 川貝母各一錢薄荷

連翹去射干 牛蒡子炒前胡 僵蠶各一錢升麻八分蟬退五

生薑片一水煎食遠服。

連翹飲。治肺胃邪熱。熱證輕劑。

連翹 葛根 牛蒡子 元參 黃芩 桔梗各二錢 赤芍

梔仁 淡竹葉 甘草 木通各一錢 升麻六分 水煎服。

清咽利膈湯。治肺胃積熱與新受風邪相搏。上壅咽膈咽腫

喉痺及緊喉纏喉乳蛾喉閉等證。熱證重劑惟此方最妙餘宜慎用。

荆芥 防風 連翹去心 牛蒡子炒研 芽桔梗 薄荷 甘草

金銀花 玄參 黃連 生梔子 黃芩 大黃 芒硝

淡竹葉各一錢 水煎食遠服。

荆防敗毒散。治風熱風寒初起。寒熱輕劑。

荊芥 防風 羌活 獨活 紅柴胡 前胡 陳枳殼炒

潞黨參 芽桔梗 川芎 白茯苓 甘草各一錢 薄荷葉六分

生薑三片 水煎熱服。

參蘇飲 治內傷外感 寒證輕劑

潞黨三錢 紫蘇八分 葛根 前胡 製半夏 茯苓各二錢 陳皮

桔梗 枳殼 甘草各一錢 木香五分 生薑一片 葱白一寸 水煎服。

五積散 治寒積食積氣積血積痰積 寒證輕劑

麻黃五分 桂枝五分 白芷 厚樸製 法夏 陳皮各六分 枳殼七分

當歸酒洗 川芎 白茯苓 白芍酒炒 甘草 桔梗各八分 乾薑三分

加生薑一片 蔥一寸 水煎服。

採方

温胃湯。治脾胃虛寒。脹滿上衝飲食不下。寒證重劑。

潞黨參 白朮土炒附片製乾薑各二錢當歸酒洗白芍酒炒川椒

厚樸製法夏陳皮 甘草各一錢水煎服

附桂理中湯。治虛寒。即理中湯。加附片肉桂水煎服。寒證重劑。

附子瀉心湯。治熱盛陽虛。心下痞滿惡寒汗出。熱證重劑。

大黃 黃連 黃芩各一錢六分附子一枚泡去皮別煮汁兌服

甘桔湯。治咽痛喉痺。咽喉通劑。

甘草 桔梗等分水煎服。

雄黃解毒丸。治一切急喉痺極危證。險證重劑。

明雄黃一兩色赤似雞冠明徹不臭者良川鬱金一兩體銳圓如蟬肚外黃肉赤微香味苦蒂甘者真

巴豆

十四粒去殼去油淨

共研極細醋煮麩糊為丸如菉豆人每服七

丸清茶送下或含嚙津液徐徐嚙下吐出痰涎立即取效如

已垂危心頭猶溫急用烏梅擦開牙齒研末灌之但得下咽

無有不生如小兒驚熱痰涎壅塞或二丸三丸量兒大小斟

酌服之亦神效

四君子湯

治氣虛倦怠少食

氣虛之劑

潞黨

四錢

白朮

土炒

茯苓

各二錢

甘草

一錢

加生薑大棗水煎服

四物湯

治一切血虛血熱血燥

血虛之劑

熟地

四錢

當歸

三錢

白芍

二錢

川芎

一錢

水煎服

少陰甘桔湯

治慢喉風午後作痛作渴忌用苦寒者

芽桔梗二錢甘草一錢川芎黃芩陳皮玄參柴胡各六分

升麻羌活各四分蔥白一根水煎食遠服

加減八味湯。治虛火上炎引而歸元。陰虛之劑。

熟地四錢山萸肉去核山藥各二錢丹皮茯苓澤瀉各一錢

肉桂五分五味子各五分水煎服。

六味地黃湯。治腎水真陰不足。血虛之劑。

大熟地八錢山萸肉酒潤去核淮山藥各四錢牡丹皮白茯苓

建澤瀉各三錢水煎溫服。

黃連解毒湯。治一切陽熱實火。熱證重劑。

黃連即牛蒡子黃蘗黃芩生梔子各二錢水煎服。

牛黃清心丸

治緊喉鎖喉熱阻關竅痰涎壅塞等證

解痰熱重劑

九轉膽星

一兩

明雄黃

黃連

各二錢

茯神

玄參

天竺黃

五倍子

荊芥

防風

桔梗

蟬蛻

犀角

當歸

各一錢

京牛黃

八分冰片

麝香

珍珠

各六分

豆腐煮

各研極細末共合一

處再研勻甘草熬膏和丸如龍眼大硃砂水飛二錢為衣日

中曬乾收入瓷餅內將餅口用黃蠟封固勿令洩氣臨服薄

荷湯化下一丸按牛黃丸方頗多其功效俱在搜風化痰甯

心通竅如非痰涎壅熱阻關竅不宜輕服

鼠黏解毒湯

治喉閉酒毒閉等證

解熱輕劑

鼠黏子

炒桔梗

青皮

升麻

黃芩

花粉

生甘草

玄參 生梔子 搗川黃連 連翹去心 葛根 白朮土炒 防風

生地黃各等分 水煎食後服

知蘖地黃湯 治陰虛火動 卽地黃湯 加知母、黃蘖虛熱之劑

清露飲 治慢喉風脈虛大面赤咽乾不渴 虛熱之劑

天冬去心 麥冬去心 生地 熟地九製 黃芩 枇杷葉蜜炙 鮮石斛

陳枳殼炒麩 茵陳蒿 甘草各等分 水煎食後服

萬氏潤燥膏 治陰虛喉疳 潤燥之劑

豬脂一斤 白蜜一斤 煉熟 二味合攪候凝 每服二匙 日三次

歸脾湯 治怔忡驚悸 脾傷之劑

潞黨三錢 白朮土炒 茯神 棗仁炒 黃耆炙 龍眼肉各二錢 當歸洗

甘草各一錢 遠志去心 木香五分 煨薑三片 大棗三枚 水煎服

廣筆鼠黏湯。治喉癰。解毒之劑。

生地黄 川貝母各三錢 玄參 甘草各二錢 鼠黏子酒炒

花粉 射干 連翹各二錢 白僵蠶一錢 苦竹葉一錢 水煎飢時服。

加味逍遙散。治肝家血虛火旺咽喉乾痛。解鬱之劑。

柴胡錢半 當歸酒洗 白芍酒炒 白朮土炒 茯苓 牡丹皮 梔子各一錢

薄荷八分 甘草五分 加煨薑一片 水煎食遠溫服。

益氣清金湯。專治喉癰。清熱平劑。

路黨參 川貝去心 桔梗各二錢 麥冬去心 牛蒡子炒 黃芩各一錢

白茯苓 陳皮 生梔仁 薄荷 生甘草 淡竹葉各一錢

紫蘇五分水煎溫服

生脈散。治火熱傷肺。保肺之劑。

人參五分貧者以西麥冬五分五味子七水煎服

八味丸。治命門火衰。即六味地黃丸。加熟附子、肉桂各一兩。

煉蜜為丸。火衰之劑。

滋腎丸。治熱在下焦。小便癯閉而口不渴者。滋腎之劑。

黃柏酒炒知母各二兩肉桂一錢煉蜜為丸。

秘授甘露飲。治真陰虧竭。火炎灼肺。虛損失血。內熱發為咽。

瘡喉癰喉疳等證。降陰火神劑。


取童便半酒罈。要罈口大者。先用鐵絲作四股絡子。懸飯椀。

一箇於鑊內約離童便三寸許。用鉛打成兩笠式作蓋。反蓋
 鑊口。四圍用鹽泥封固。外加皮紙數層糊密。勿令洩氣。再用
 磚搭成爐。將鑊安放於上。用桑柴文武火燒煉一柱香久。去
 火候溫。再將鉛蓋輕輕取起。勿令泥灰下落。則鑊中所懸椀
 內自有清香童便露一椀。取出另傾茶椀內。令病者每日早
 晚服一鐘。自有神效。取童便須擇無病無瘡癩者五六人。每
 早烹松蘿茶一大壺。令各童飲之。俟便出時。去頭尾不用。取
 中間者。以鑊盛之。此環山方岫雲秘傳之仙方。識者珍之。

鉛笠



鑊式



人參養榮湯

治氣血虛弱發熱惡寒體瘦作瀉等證

氣血兩虛之劑

潞黨參

二錢

白朮

土炒

茯苓

當歸

酒洗

杭白芍

各一錢

熟地

四錢

九製

甘草

一錢

遠志

七分

陳皮

去心

桂心

五味子

各五分

加生薑片

大棗

二枚

水煎服

薑附湯

治申寒不嘔不渴脈沉細身無大熱者

寒證重劑

乾薑

製附片

各等分

水煎頓服

理中湯

治寒客中焦臟腑不調口失滋味嘔利不渴等證

潞黨參

白朮

土炒

甘草

炙

乾薑

各二錢

水煎溫服

寒證重劑

四逆湯

治三陰脈沉厥逆等證

寒證重劑

甘草

五錢

乾薑

二錢

附子

一枚

泡去皮生用

水煎溫服

半夏桂甘湯 治非時暴寒。潛伏腎經咽痛。散寒輕劑。

法半夏 桂枝 甘草 各等分 水煎服。

獨參湯 治元氣大虛昏絕脈微欲死。氣虛之劑。

人參 分兩隨證 水濃蒸頓服。

十全大補湯 治陰陽並虛而畏冷。氣血兩虛之劑。

熟地 四錢 潞黨 三錢 白朮 土炒 茯苓 黃耆 蜜炙 當歸 酒洗 白芍 各二錢

甘草 炙 川芎 各一錢 肉桂 六分 加大棗 二枚 水煎服。

除瘟化毒湯 治時疫白喉初起並喉蛾風火喉痛。疫喉輕劑。

粉葛根 白殭蠶 炒 黃芩 小木通 生梔 各二錢 川貝

生地 各三錢 山豆根 蟬蛻 甘草 各一錢 冬桑葉 二錢 水煎服。

神功辟邪散。治時疫白喉。量證酌服。不拘劑數。不拘劑數。輕劑。

粉葛根 牛蒡子 淨連翹 黃芩 金銀花 小木通

馬勃 各二錢 絹包煎 川貝 白殭蠶 麥冬 去心 蟬蛻 各三錢 生地黄 四錢

生青果 五枚 搗 為引。無青果。用冬桑葉 二錢 代之。

神仙活命飲。治時疫白喉。日服二三劑。少則不效。重劑。

龍膽草 蟬退 各一錢 金銀花 木通 車前子 各二錢 川貝

白殭蠶 黃芩 生石膏 馬勃 各三錢 絹包煎 生地黄 四錢 土茯苓 五錢

生青果 五枚 為引。如無青果。用冬桑葉 二錢 代之。按此方。與上除

瘟化毒湯。神功辟邪散。減去土茯苓。金銀花。馬勃。治喉癰喉

蛾。及一切喉內紅腫等證。亦效。

龍虎二仙丹。治時疫白喉。疫喉重劑量證酌服

生地黄 生石膏各一兩 犀角八錢 直僵蠶 黃芩各五錢 玄參

鼠黏子 板藍根 知母 木通 馬勃各四錢 川黃連

生梔仁各三錢 龍膽草 生甘草各一錢 粳米三兩 生青果七枚 為

引無青果用冬桑葉五錢代之。

清心滌肺湯。治心肺虛熱。清熱輕劑。

生地黄四錢 川黃蘗 黃芩 麥門冬去心 川貝母 天門冬去心

知母 天花粉各二錢 白僵蠶 生甘草各一錢 日服一劑以二

三劑為度。體氣素弱者加條參或生玉竹亦可。

養正湯。治真陰虧損勞熱。滋陰平劑。

陰清肺素元參
地丹皮茯苓甘

生玉竹錢五淮山藥錢五熟地錢四製首烏錢四生地錢四女貞子錢四

白茯苓錢各三麥冬錢各三白芍錢各二酒炒天花粉錢各二水煎服

銀花四君子湯治脾胃素弱氣虛之劑

潞黨錢四白朮錢各三甘草錢各三炙冬桑葉錢各二煎

養陰清肺湯治喉間起白如腐清涼之劑

生地錢四玄參錢三麥冬錢二甘草錢二川貝錢二丹皮錢二白芍錢各一六分

薄荷錢一日服二三劑質虛者加熟地熱甚者加連翹去白芍

躁甚者加天冬茯苓如有內熱及發熱不必投表藥照方服

去其熱自退按鄭梅澗與其弟既均治喉間起白專用此方
加減數十年未嘗誤一人宜其自稱秘授也

蟾酥丸 治諸疔毒及諸惡瘡外用化腐消堅內服驅毒發汗

蟾酥酒化 明雄黃各二錢 硃砂三錢 水飛輕粉 枯白礬 寒水石煨

銅綠 膽礬 乳香去油 沒藥去油 麝香各一錢 蝸牛二十箇 各為末

稱準於端午日午時在淨室中先將蝸牛研爛同蟾酥和研稠黏方入各藥共搗極勻丸如綠豆大每服三丸用葱白五

寸令患者嚼爛吐於手心內將丸藥裹入葱泥內用無灰熱

黃酒一茶鍾送下被蓋約人行五六里路病者出汗為度甚

者二服外用或搓作餅隨證用口涎塗貼毒上以膏藥蓋之

修合時忌婦人雞犬見之 解毒重劑

清熱解毒湯 治心火暴盛 熱證輕劑

生地四錢 黃連 金銀花各二錢 薄荷 連翹去心 赤芍 木通

生甘草各一錢 加燈心為引水煎服。

清胃散 治陽明實火牙痛口瘡等證。熱證輕劑

石膏四錢 生地三錢 黃連 連翹 丹皮各二錢 升麻八分 煎服。

蘆薈消疳飲 治肝胃積熱。熱證輕劑

蘆薈生 胡黃連 銀柴胡 羚羊角鎊 生梔子 牛蒡子炒

石膏煨 桔梗 生大黃各六分 玄參 薄荷葉各五分 生甘草

淡竹葉各一錢 水煎食遠服。

清肝解毒湯 治走馬牙疳。熱證輕劑

石膏四錢 人中白 川黃連 紅柴胡 知母生 淨連翹去心

牛蒡子炒 直犀角鎊 玄參 荆芥 北防風 淡竹葉各一錢

燈心五寸 水煎食遠服 嘔加蘆葦根

人參粥 治脾胃虛弱 飲食短少 補土之劑

潞黨三錢 白茯苓六錢 共研末 同粳米一茶鍾 熬成粥 先以鹽湯

將口漱淨後再食粥

五味消毒飲 治諸疔瘡 化毒之劑

金銀花三錢 野菊花 蒲公英 紫花地丁 天葵子各一錢二分

水煎熱加無灰黃酒半鍾 再滾二三沸 熱服 蓋被出汗

神授衛生湯 治諸瘡惡毒 宜熱散風行瘀活血 消腫解毒 疎

通臟腑 乃表裏兩實之劑 功效甚速

金銀花 歸尾 皂角刺 天花粉 大黃 甘草節 各一錢

羌活 八分 防風 白芷 穿山甲 炒 連翹 沉香 石決明

乳香 去油 紅花 各六分 水煎病在上部先飲酒一杯後服藥病在

下部先服藥後飲酒一杯以行藥力氣虛便利者去大黃

雙解貴金丸 治諸毒初起木悶堅硬便秘脈沉實者 解毒之劑

生大黃 一斤 白芷 十兩 合研末水丸每服三錢五更時用連鬚蔥

三根黃酒一椀煮蔥爛取酒送藥服畢蓋被出汗過二三時

俟大便行一二次立效此宣通攻利之劑濟之以蔥酒力能

發汗故云雙解體弱者中病即止行後以四君子湯補之

雙解通聖散 治胃火風熱疎表清裏 和解之劑

當歸酒洗白芍酒炒淨連翹去心白朮土炒川芎 薄荷葉 麻黃

梔子名五錢黃芩 石膏煨桔梗各一兩甘草二兩滑石三兩共研

細末每用五錢水蒸去滓溫服

瀉黃散 治胃熱口瘡 清胃之劑

石膏四錢藿香三錢山梔炒防風各二錢甘草一錢加燈心煎服

清涼甘露飲 治齒齙潤燥止渴生津 熱證輕劑

麥冬法知母 黃芩 石斛 枳殼炒枇杷葉去毛犀角蜜炙 鑄

銀柴胡 生地 茵陳 甘草 淡竹葉各一錢燈心一團為

引水煎食遠服

涼膈散 治膈上實熱口渴唇焦大便燥結等證 熱證重劑

黃芩 薄荷 生梔子 連翹去心 生石膏 甘草 芒硝

大黃各等分 苦竹葉二十片 水煎加蜂蜜三匙 和服

奇授藿香丸 治鼻流黃色濁涕 寒氣清劑

藿香連枝葉八兩 研細末 雄豬膽汁和丸 如梧子大 每服五錢

食後黃酒送下

天羅散 治蟲蝕腦髓 鼻流血水 淋漓腥穢 通解之劑

絲瓜藤近根處者良 燒存性為末 每服三錢 食後黃酒下

補中益氣湯 治中寒下陷 四肢困倦 懶於言語 氣虛之劑

潞黨參三錢 黃耆錢半 白朮土炒 當歸酒洗 炙甘草各一錢 陳皮五分 留白

柴胡 升麻各三分 加生薑 大棗 水煎溫服

辛夷清肺湯。治肺熱。肺熱輕劑。

石膏煨知母 梔子生 黃芩 麥門冬去心 百合各一錢 辛夷六分

甘草五分 升麻三分 枇杷葉三片去毛蜜炙 或加羌活 防風 連翹 薄荷葉

各一錢 水煎食遠服。

黃芩湯。治肺火上攻鼻竅聚而不散鼻内生瘡。熱證輕劑。

黃芩二錢 麥冬去心 桑白皮生 山梔子連皮 淨連翹去心 赤芍

桔梗 薄荷 荆芥穗各一錢 甘草八分 水煎食遠服。

柴胡葛根湯。治胃經溼熱。解熱輕劑。

柴胡 葛根 石膏煨 天花粉 黃芩 牛蒡子炒 連翹去心

甘草 桔梗各一錢 升麻三分 水煎服。

升陽散火散。治陽經火鬱。散熱輕劑。

潞黨二錢柴胡錢香附製殭蠶各一錢五分葛根升麻白芍酒炒

蔓京子防風羌活獨活甘草各一錢半生半多川芎五分加

生薑片一紅棗一水煎食遠溫服。

柴胡清肝湯。治胃溼肝火耳內悶腫出膿。解熱輕劑。

當歸酒洗連翹各二錢柴胡生地牛蒡子炒赤芍各一錢五分

川芎黃芩生梔子天花粉甘草節北防風各一錢

水煎食遠服。

理陰煎附治陰虛受喉證。此為上品。血虛之劑。

熟地三錢當歸一錢甘草一錢乾薑肉桂各五分寒甚加熟附子

麻黃細辛之類氣短加潞黨參水煎温服

鎮陰煎附治陰虛於下火浮於上此為降火神方降火輕劑

熟地三錢附子九製甘草 牛膝 澤瀉各一錢 肉桂五分水煎服

立馬開關飲附治一切喉閉腫痛湯水不下諸急證神方

生雞子一枚去殼傾入碗內勿攪生白礬五六分或一錢研極細末挑入雞子黃內勿攪將病者

扶起正坐囟囪灌下立效○又方牙皂角錢半去皮弦搗水煎滾取起

去渣入生雞子白一枚服下即吐喉內立鬆其效如神

吹劑

回生丹治一切喉證有奇功

蓬砂錢一提牙硝三分用水煎滾投白蘿蔔一二片收盡浮沫傾入瓦盆內噴冷水一口另以瓦盆蓋之露

一宿沉結成馬牙者
良傾去水取出晒乾
大梅片六釐麝香四釐共研極細末收儲瓷

餅封固臨用挑少許於淨細長筆管內吹患處孕婦去麝香

開關後次日體虛頭暈者亦去麝香名品雪丹毒腫漸平並

用鍼刺破後者再去牙硝名呂雪丹加青黛名青雪丹

白降雪散 治喉風腫痛聲難風火搏結

石膏一錢五分蓬砂一錢焰硝各五分膽礬各五分玄明粉三分冰片二分共

研極細末收儲瓷餅封固臨用挑少許吹喉內

冰蓬散 通治咽喉腫痛及一切口瘡

冰片五分硃砂六分蓬砂五分玄明粉五錢共研極細末收儲瓷餅

封固臨用挑少許吹患處立效

擗鼻散 治諸喉證牙關緊急不省人事奇效

細辛

皂角 各一兩 去皮弦

生半夏 五錢

共為極細末收入瓷餅如法

封固勿令洩氣臨用取少許吹鼻中有嚏者生無嚏者難治

金鎖匙 治弄舌喉風喉閉纏喉風痰涎壅塞口禁不開及一

切心脾實火各外寒凝滯等證

冰片 三分

白殭蠶 一錢

明雄黃 二錢

蓬砂 五錢

焰硝 一兩

五錢

各研極細末

和勻收儲瓷餅封固臨用挑少許吹喉內腫處

紫雪散 治一切咽喉腫痛及重舌重喎舌疔等證

玄參 二兩

犀角尖 一兩

羚羊角 一兩

生石膏

寒水石

升麻

各一兩

生甘草 八錢

沉香

木香 各五錢

用水五椀煎藥剩湯一椀將渣

用絹濾去。再將湯煎滾。投提淨牙硝。三兩六錢文火漫煎。俟水氣

將盡。欲凝結之時。傾潔淨椀內。下飛淨硃砂大梅片。各三錢預

分研極細和勻。將藥椀安入冷水盆中。候冷凝如雪為度。再

輕輕研極細。收入瓷餅中。用黃蠟封口。大人每用一錢。小兒

二分。十歲者五分。徐徐嚥之。即效。或用燈心煎湯化服亦可。

凡咽喉腫痛一切熱證。取少許吹之。尤效。

燒鹽散 治上疔癰。

食鹽火燒枯白礬各等分合研極細末。以筋頭蘸點患處。

八寶珍珠散 治喉疔及一切咽喉腐爛等證。

人中白二錢兒茶 黃連 川貝母去心青黛各一錢官粉五分

紅褐燒灰存性黃蘗末 魚腦石微琥珀各一錢蓬砂八分大梅片

京牛黃各六分珍珠豆腐內煮半炷香時取出研末麝香各五分各研極細末再

合研勻臨用取少許吹入喉內腐爛處

清溪秘傳礬精散 治胃火熏金喉癰未潰

白礬不拘多少研末用方甄一塊燒紅灑水於上將礬散甄上覆以瓷盆四面灰擁一日夜礬升盆上取用二錢

白霜梅二箇去核明雄黃 穿山甲各一錢合研極細末收儲瓷

餅封固臨用挑少許吹喉內

清涼散 治胃火熏金喉癰已潰

蓬砂三人中白二錢黃連末一錢薄荷六分冰片五分青黛四分合研

極細末收儲瓷餅臨用挑少許吹入腐處

捷妙散。治雙單蛾風神效。

絲瓜子

一兩
二錢

牙皂角

一兩
切研

二味放新瓦上。文火炙乾。為極細

末。加冰片少許。收儲瓷餅。封固。每遇蛾風。用少許吹鼻中。打

噴嚏二三次。即消。在左吹右。在右吹左。雙蛾左右並叻。

赤麝散。治一切喉痺。纏喉。又喉蛾風。諸惡證。吹之立吐痰涎。

即時獲效。可代鍼刀。真神丹也。惟喉癰。喉瘡。不宜。

真血竭

五錢

巴豆

七粒。去殼
去油淨

明白礬

一兩

三味打碎。同入新砂鍋。

煉至礬枯為度。每兩加大梅片三分蓬砂二錢共研極細。收儲瓷

餅。封固。用時以冷茶漱口。挑少許吹患處。立效。此環山方岫

雲山人家藏秘方。治喉風諸證。其效不可勝言。

消瘤碧玉散 治喉瘤

蓬砂三錢 冰片

膽礬各三分

合研極細末收儲瓷餅封固臨用

挑少許以筋頭侵冷水蘸患處

冰片散 治緊喉、纏喉、蛾風、纏舌、諸惡證

人中白煨 蓬砂各五錢

蒲黃 甘草

各三錢

黃蘗蜜炙 明雄黃

龍花 川黃連

立明粉各二錢

雞內金

即雞肫皮煨

大梅片各一錢

銅青五分

各研極細末和勻收儲瓷餅封固用時挑少許吹

患處立效一方加牛黃、熊膽、珍珠

各一錢

兒茶

八分

麝香

三分 程鍾

齡治喉證吹藥多用此方

麝香散 治肉毯

麝香二錢黃連一錢冰片三分合為極細末。收儲瓷餅封固。用時挑

少許吹患處。一晝夜吹五六次。

瓜霜散

治時疫白喉蛾風火喉等證。

西瓜霜

一兩法以刀切開瓜頂如酒杯大去盡瓢水裝入提

結成冰與瓜外發出白霜一並掃

真硃砂二錢

水飛淨人中白煨

下再裝瓜內復取一次其力更大

冰片各一錢

明雄黃三分

合研極細末收儲瓷餅封固勿令洩氣

臨用挑少許頻頻吹之無不立效。

青鳳散

治白喉及喉風一切熱證。

青果炭三錢

燒存性

川貝

黃檗

兒茶

薄荷葉

各一錢

冰片

八分

鳳凰衣

五分

各研極細末再入乳鉢內和研勻收儲瓷餅封固

一用時取少許吹患處立效。

涼心散。治心脾積熱上攻血熱妄行。

建青黛 蓬砂 黃檗 黃連 人中白各二錢 風化硝一錢

冰片三分合研極細末入瓷餅封固臨用取少許吹患處立效。

真功散。治孕婦患喉證。

大冰片二分提牙硝三分熊膽陰乾蘆甘石用菴活煎湯煨七次曬乾蓬砂各一錢

合研極細末收儲瓷餅黃蠟封口臨用取少許吹患處毒腫

漸平及鍼刺破後者去牙硝。

聖功丹。治一切牙疳有奇效。

蓬砂五分人中白二分蒲黃 馬勃 皂茶各一分甘草節八釐

殭蠶

冰片

各五釐

麝香

四釐

共為極細末。水漱口淨。吹數次。即

愈。疔重加青黛黃檗等分。

消蘆散

治患者畏鍼刀。以此方熏之。立即穿破。

金毛狗脊

五錢

茵草

各一兩

紫荆皮根

二兩

用米醋同藥

入小罐內。以厚紙封口。極固。放火中煮好。罐口開一小孔。如

箸頭大。對腫處熏之。若一時未破。加巴豆肉七粒。同煮再熏。即

破。如破後不能速於收功。吹生肌散。

生肌散

治毒盡後用以收功。

赤石脂

水飛數次再用

真龍骨

火煨紅。淬入米醋內。水飛。

乳香

各一兩。去油。

沒藥

三錢。去油。

蓬砂

輕粉

孩兒茶

各二錢五分

大梅片

五分

各研極細末。和勻。

收儲瓷餅患處毒已盡用少許點敷立即收功。

血竭冰蓬散附治時疫白喉及緊喉纏喉蛾風火喉等證。

淨蓬砂一兩真血竭磨指甲上紅透指甲者為真有腥氣者是海母血作偽勿用真兒茶

甘草各三錢明雄黃二錢鮮紅大塊者良有臭氣者勿用玄明粉錢半真殭蠶

大梅片各一錢上麝四分上九味各研極細末稱準入乳鉢內合

研再入血竭末拌勻孕婦去麝香加冰片慎之。

萬應丹附治一切咽喉口舌腫閉並穿腮腐臭延爛等證其效

甚速真神方也。

建青黛五錢水飛三四次去盡渣晒乾青梅乾五錢煨存性人中白五錢火

牛膽硝三錢山梔仁三錢去殼黃連三錢生黃岑三錢孩兒茶三錢蓬砂三錢

枯白礬二錢 銅青二錢 雞肫皮二錢半 直熊膽一錢 大紅絨灰一錢

西牛黃一錢 雄黃一錢 珍珠二分半 豆腐煮梅片一錢 麝香八分 臨用酌上加孕婦忌用

十九味各研極細末除留青梅乾麝香臨用酌加外餘俱入

乳鉢內研勻收儲瓷餅用烏金紙塞口封固臨用取少許日

夜徐徐吹患處流出痰涎即漸愈如有腐臭急用蚌水洗淨

或馬齒莧匾柏子和搗加水去渣洗淨再以前藥去青梅乾

加滴乳香二錢 吹之附秘製 青梅乾法大青梅一斤 去核略搗碎

入白礬青鹽各五錢 拌和再加蜒蝣不拘多少層層間之一日

夜取梅曬乾收盡汁再曬乾煨存性臨用加入附製膽硝法

冬月酌入提牙硝在黑牛膽內懸挂屋簷當風處一百二十

一日去膽用硝。此乃第一應驗神方。

柏薑散附治陰虛火盛。

黃柏二錢乾薑八分合焙成炭。存性研極細末。吹之。

火刺仙方附治一切喉痺、纏喉、脹滿、氣塞不通。命在頃刻者。無不立效。

法用巴豆油塗紙上。撚作條子。火上點然。煙起卽吹滅。令病人張口。急刺於喉間。俄頃吐出紫血。卽時氣寬。能言飲水。啖粥。再按證治之。夫咽喉諸疾。發於六腑者。引手可探。或刺破。照前諸方法治之。無不獲效。若發於五臟者。則受毒牢。深手法藥力難到。惟用油紙撚刺喉間。爲第一妙法。蓋熱則宣通。

故以火治之火氣熱處使巴油皆到又以火散結以巴瀉熱邪以煙吐出痰涎此一舉三善之捷法也

噲劑

桐油餞 治諸喉風痰涎壅塞屬熱證者

溫水半碗加桐油四匙攪勻用硬雞翎蘸油探入喉內燃之連探四五次其痰即壅出再探再吐以人醒聲高為度

辛烏散 治喉證風痰壅塞如神

紫荊皮 赤芍稍 草烏各一兩 赤小豆六錢 桔梗 荊芥穗

甘草 連翹 細辛 皂角 小生地各五錢 柴胡三錢 上藥十

二味不宜見火置日中曬燥各為極細末稱準入大乳鉢內

拌勻收入瓷餅封固用紙布繫緊勿令洩氣臨用以冷水調
噙口齒導取風痰如神若痰涎極盛加摩風膏四五匙其力
愈速凡遇頸項及頭面紅腫卽以此散用水調敷或將此散
與荆芥同煎頻頻洗之仍用此散敷上取效甚速

摩風膏 治喉風痰壅神效

川烏尖 卽大附子之尖每用尖一箇以燈心灰五分粗椀底濃磨汁調入辛烏散加入

太乙紫金丹 治咽喉諸證及飲食藥毒癰疽疔瘡時疫勞瘵

山嵐瘴氣惡蛇瘋犬蟲蝎咬毒婦人邪氣鬼胎中風中氣口

眼歪邪等證無不神效

雄黃 三錢鮮紅大塊者良 硃砂 三錢有神氣者良 麝香 三錢當門子良 川五倍子 二兩槌破

洗淨紅芽大戟杭產紫大戟爲上北產棉大戟色白者性烈傷人勿用取上品去盡蘆根洗焙爲末一兩五錢

山慈姑二錢洗去毛皮焙乾研末 千金子一兩又名續隨子棟仁白者去油 上七味各擇

精品於淨室中各研極細末製畢候端午七夕重陽或天德

月德天醫黃道上吉之辰凡人室合藥之人三日前俱宜齋

沐更換潔淨衣帽臨日方入室中淨手熏香預設藥王牌位

主人率眾焚香拜禱事畢各將前藥稱準入於大乳鉢內再

合研數百轉方入細石臼中加糯米濃汁調和軟硬得中方

用杵搗千餘下極至光潤爲度每錠一錢每用一錠病勢重

者連用二錠或噙嚙其汁或磨塗患處或開水磨服病在上

者必吐在下者必利吐利後以溫粥補之修合時除在事合

藥人外餘皆忌見雞犬尤忌蓋此丹全在修合人精誠潔淨方克有濟否則不效

敷劑

救急異功散 治喉風一切急證神效

蟹螯

四錢去頭翅足糯米拌炒以米色微黃為度去糯米

乳香

去油淨

沒藥

去油淨

全蠍

真血竭

用少許磨指甲上紅透指甲者為真 有腥氣者是海母血作偽勿用

玄參

各六分

麝香

大梅片

各三分

上藥除血竭另研外餘合研極細再將血竭末

拌入研勻收入瓷餅封固凡遇時疫白喉蛾風緊喉癢喉關

內外並頸項漫腫咽喉將閉及爛喉痧等證不拘何膏藥以

此散用黃豆大置膏藥上貼頸項間須對喉內腫處左腫貼

左右腫貼右左右腫則貼兩邊。闔五六時揭去。貼處卽起水。泡用鍼刺破。揩去毒水。立能消腫止痛。誠救急良方也。

開關散。治牙關緊閉。

番木鱉二片好黃酒半杯用粗碗磨濃汁。將病人扶坐靠端。以

雞翎蘸汁塗於兩牙齦盡後處。漸開再塗天花板並舌根下。卽開涎出。以微溫水漱淨。凡看證遇牙關緊閉卽依法治之。但木鱉爛肉藥汁切勿沾喉。慎之慎之。

蒜泥拔毒散。治急喉證拔毒奇效。

老蒜二瓣用梧子大許敷經渠穴。以皮紙包裹微繫。闔五

六時啟視。卽起水。泡用銀鍼刺破。揩盡毒水。

人中白散 治走馬牙疳

人中白錢五 枯白礬 白霜梅各二錢 燒存性 共研極細末 先用韭根

松籬茶煎成濃汁 乘熱以雞翎蘸洗患處 去淨腐肉 見鮮血

再敷此散 日三四次 若爛至咽喉 以蘆筒吹之

蘆薈散 治牙疳腐爛穿腮

蘆薈二錢 黃蘗五錢 人言四分 用棗四枚去核每棗納人言一分 火燒存性 共研細末 先

用米泔水漱淨疳毒 再敷此散於堅硬及腐處

離宮錠 治疔瘡腫毒 一切皮肉不變 漫腫無頭等證

頂煙陳墨兩 血竭 膽礬 蟾酥各三錢 硃砂二錢 麝香一分

上味各研極細末 再入乳鉢合研勻 用涼水調成錠 仍以涼

採方

水磨濃塗之。立效。

黃連膏。治諸燥瘡。

生地一兩 歸尾五錢 黃連 黃蘗 薑黃各三錢 麻油十二兩 將各藥

傾入鍋內。文火煤枯。用粗夏布濾去渣。下黃蠟四兩 溶化盡。傾

入瓷盃內。以柳枝不時攪之。候凝為度。凡遇燥瘡。塗以潤之。

礪砂散。治鼻痔。

明雄黃 輕粉各三錢 礪砂一錢 大梅片一分 合研極細末。水調濃。

用穀草細硬咬毛。蘸塗痔上。

辰砂定痛散。治鼻瘡乾燥。消痛散熱。

胡黃連二兩 石膏一兩 辰砂五分 冰片二分 共研極細末。聽用。

真君妙貼散 治諸毒惡瘡頑硬散漫無膿及皮破血流天泡

火丹肺風酒刺等證

蕎麥一斤 麥麩一斤 明淨硫黃二斤 研細末 三味共一處用清水微拌

乾溼得宜趕成薄片微曬單紙包裹懸掛當風陰乾收藏用

時取少許研細末新汲水調敷不痛者即痛痛者即止如皮

破血流溼爛者用麻油調敷天泡火丹酒刺者用靛汁調塗

獨勝散 附治一切牙疳穿腮破唇奇效

白茄蒂不拘多少陰乾瓦上炙燥為極細末加冰片少許和

勻搽患處即愈

紫花散 附治小兒口疳神效

甘蔗皮燒灰研末加冰片一字搽之

神功丹附治一切牙疳神效

人中白二兩煨兩兒茶一兩薄荷葉 黃檗 青黛各六錢水飛淨冰片六分

共為極細末收儲凡牙疳先用韭菜根煎水頻漱口再擦此散日七八次涎外流不止者吉若無涎則毒氣內攻即屬不

治之證

萬益丹附治鍼誤用血流不止神效

乳香去油沒藥去油真血竭 蓬砂各一兩上味各研極細末

再入乳鉢合研收儲瓷餅每用少許吹敷傷處立即止血

序

古今名醫喉科諸書言喉證者詳矣。獨未載有時疫白喉證。自道光中葉始於江浙。迄乎荆湘黔滇間。發作無時。傳染甚速。巷陌街衢。死者踵相接。惟時西北諸郡。邑無有焉。邇來疫氣流行。與時變遷。秦隴地方。亦丁其厄。雖塞外徼荒。所在皆有。庸醫辨證未明。不審脈之虛實。證之寒火。狃於偏見。總以西陲係砂磧。嚴凝之區。率皆寒證。又或拘泥古方。不知時異勢殊。漫無變通。輒投表散辛溫滋補之劑。爲害最烈。百無一全。同鄉張善吾學博。蕭海雍封翁。細心考究。詳察病源。所著白喉證論一書。中列飲散。屢見功效。活人甚多。乾嘗肄業及之。惟疫證愈出愈險。有

朝發夕死者有癰痛難忍。立刻斃命者。乾臨證日久。每悉心討

論。更兼博訪旁諮。又得鍼刺要訣。名手秘方。爲兩先達書中所

未備。光緒紀元。乾幕遊滄中。次年夏。適白喉疫證蔓延。滄郡各

屬。乾將諸方及鍼法。進都人士。而口授之。照方醫治。應手輒效。

百不失一。嗣是而甘泉而酒泉。患此證者。倩乾調理。效皆立奏。

欲將兩先達良方。及陸續所獲鍼法方畧。并付剞劂。以公諸世。

而垂久遠。廣醫學而起沈疴。顧所費不貲。勢難獨任。幸賴

學士大夫愷悌慈祥。或分鶴俸。或解錦囊。成茲義舉。可補醫經

仁人君子之缺畧。從此慈航普渡。壽域同登。其有裨於天下後世者。豈淺

鮮哉。

光緒歲在屠維單闕仲夏月穀旦湘西黃炳乾陶普氏謹識於

酒泉公廨



專治時疫白喉捷要合編目錄

時疫白喉嚙證論

白喉嚙看法 附認寒火證

開關散

蒜泥拔毒散

除瘟化毒散

神仙活命湯

雄黃解毒丸

養正湯

瓜霜散 附取西瓜霜法

白喉嚙續論

白喉嚙治法

鍼法 附煉藥鍼法

救急異功散

神功辟邪散

龍虎二仙湯

清心滌肺湯

銀花四君子湯

血竭冰蓬散

石青消毒散

蜘蛛救苦丹

膽礬散

無治之證

蜒蚰辟毒散

回生萬應丹

硃砂破蛾散

藥方歌括

白知柳膏

相繼寒火蛋

白知柳膏

白知柳膏

專治時疫白喉嚙證論

白喉有時疫一證。其發無時。其傳染甚速。其病至危至險。治者每多束手無策。修考之諸書。臨證日久。竊以爲其治有十難焉。蓋此證乃纏喉急痺。緩治則死。凡咽喉不利。口渴舌燥。頸腫目赤。耳痛唇紅。皆上攻頭面之證。邪熱客於心肺之間。似與他經無涉。其有兼及他經者。體氣虛弱。邪氣乘之而入。皆後之傳變。名曰越經時。未傳及他經。不察其源。治以他經之藥。其難一也。大抵其證初起。惡寒發熱。頭痛背脹。精神倦怠。遍身骨節痠痛。喉內有極痛者。有微痛者。初無形迹。可見似傷風傷寒表證。若投以麻桂羌防升柴細辛蘇葉之類。致毒渙散。無可挽回。其難

二也。彼其惡寒發熱。乃毒氣初作於內。至二三日。喉內見白。見後寒熱自除。或者不悟。誤以爲表藥有功。豈知白見後。卽不服表藥。而發熱亦止耶。一起誤服羌防麻桂。非徒無益。而又害之。其難三也。按此病熱證多。寒證少。有以色白爲寒者。不思此證初發於肺。肺屬金。其色白。爲五臟六腑之華蓋。處至高之位。毒氣薰蒸。自下而上。肺病日深。故其本色日著。治宜解五臟之毒。使之下行。勿令蓄積於肺。若因白色。疑爲寒證。投以附桂炮薑。是謂抱薪救火。愈熾愈烈。其難四也。卽有知爲火毒。不可輕用升提開散之品。輒以芒硝大黃下之。不知此證已傳至上焦。氣分與中下焦無涉。旣上焦氣分受傷。又以硝黃攻伐太過。使中

下焦有損。元氣愈傷。其難五也。見證確。藥當守方。有火毒甚者。初起用消風散。毒引熱下行之劑。治法良是。乃日服二三劑。而白不退。連服十數劑。而白愈有加。是猶杯水車薪。與事無濟。治者當詳審病源。或舌胎黃黑。喉乾唇焦。小便短澀。而黃大便瀉。泄帶黑。是謂火毒凝結。內病不除。白何能淨。愈發白。愈守方。久久投之。自有效驗。若另更別方。必生變故。其難六也。察之既精。圖治不容緩。此乃瘟疫之變證。殺人最速。過七日不起。庸醫辨證未明。投以平淡之劑。不求有功。但求免過。是謂優容養姦。迨延至五六日。毒氣重矣。元氣傷矣。善治者。不得以猛劑攻之。然病已垂危。成則無功。一旦不起。病家不咎優容之過。反云猛。

劑非宜。此非誤於後。而實誤於前。其難七也。有非白喉而轉爲白喉者。初起喉痛紅腫。或惡寒發熱。或不惡寒發熱。一邊腫名曰單蛾。兩邊腫名曰雙蛾。治之稍緩。則氣閉不起。宜用生土牛膝。引熱下行。大便閉結。用大黃。否則不必用。此與白喉證異。治同。倘不預防。轉爲白喉。爲禍甚烈。其難八也。又有勞證白喉。陰虛火燥。痛極而水米難下。漸至朽爛。形容枯槁。面目憔悴。必需補劑。使元氣充滿。而喉痛自愈。若以時行疫證白喉。誤認陰虛。差之毫釐。失之千里。其難九也。更有一種白喉。無惡寒發熱等證。喉內起白皮。隨落隨長。的是寒證。非附桂不愈。卽誤服消風敗毒之藥。亦無大損。若以時行疫證白喉。認爲此證。爲害不

淺其難十也。知此十難。臨證審治。十不失一。難不終難。修持此法。活人多矣。時疫流行。而益不敢自秘。謹將看法治法方法。編次成書。非敢云濟世之良方。亦足爲刀圭之一助云爾。楚南淮川張紹修善吾氏著。

白喉嚨續論

白喉治法。浩渺無憑。修自稽考以來。時深討論。每臨篇得其法。未必見其病。臨病見其證。未必合其方。可見病態多端。惟貴圓通。而知其要耳。修曾立白喉嚨證論一篇。以傳於世。奈白喉之證。愈出愈險。有朝發夕死者。延街合巷。互相沾染。治之不速。十難全一。噫。真可慘也。竊此證乃瘟疫惡證。必需詳審外證。細察

脈情看明喉嚨內外兩關。白多白少。及小大厚薄。方可下藥。否則以輕劑而治重病。其禍甚烈。以重劑而治輕病。其害尤深。過猶不及。誠哉是言也。其證初起。憎寒壯熱。口渴喉乾。聲音不出。湯水不入。痰涎壅塞。脹閉癱痛。異常滿喉皆白。脈多洪數。甚者且無至數。此乃時行厲氣。爲病喉證中最急者也。或者謂咽喉病忌用寒涼。謬妄殊甚。每見投以荊防敗毒散。大承氣湯者。指不勝屈。不知以硝黃瀉胃中之實熱。是謂誅伐無過。病以適至其危篤。以羌防理太陽之遊風。致使渙散其毒。病必漸入於膏肓。修立除瘟化毒散。神功辟邪散。神仙活命湯。已用之屢矣。皆能立起沈疴。但恐病勢太重。猶嫌藥力稍輕。再立龍虎二仙湯。

日服三四劑。連服數日。不必更方。縱食不下。咽斷不至寒涼過度。胃氣告匱。所謂有病則病受也。白退而藥卽止。徐徐調理。元氣不難充滿。惟證尤烈者。實火爲患。臟腑積熱太深。堵塞咽喉。隘地呼吸不通。服雄黃解毒丸亦妙。究係厲劑。不可輕用。慎之。然所論雖屬詳明。治者尤宜達變通權。兼以閱歷。方能隨手應效。活人之法。當無出此。若輕忽怠玩。耽閣日期。使面青唇黑。氣急痰壅。煩燥神昏。攻之不可達之不及。雖盧扁復生。不可爲也。管見如此。望高明酌之。

白喉嚨看法

初起惡寒發熱。頭痛背脹。遍身骨節痠痛。喉內或極痛或微痛。

或不痛而喉內微硬。有隨發而白。隨見者。有至二三日而白始見者。或由白點白條白塊。漸至滿喉皆白。所治皆同。服藥後喉內或白收緊。或白稀疏。或白微小。或白轉黃。久之必然退淨。但此病非比他病。貴在見機。早尤貴。治者精。若心麤氣浮。輕視此證。有非白喉而妄稱爲白喉。遽以猛劑攻之者。有真白喉又不識爲白喉。僅以平劑投之者。有胎產婦人。幼孩老人。大病後虛勞內傷。皆難任攻伐者。治不得當。鮮不輕者重。重者危矣。看注將病人向光明處正坐。左手按髮際。右手持篋片或箸。按住舌心。細看喉嚨兩邊。係白喉。係單雙蛾。係風火喉。看的方好。下藥晚間則用兩油紙。撚一照腦後。一照口內。方看得明。醫是病者。

宜防護自己。不可空腹入患家看病。或飲雄黃酒一杯。或食大蒜。亦可保不傳染。且入臥房病人前。需先正其心。行坐言語。不可嬉戲。貪淫邪念。切不可起。

附認寒火證

火證。白喉。白塊。浮於肉上。起凸。喉中紅腫。飲食喜冷。惡熱。舌胎黃黑。甚至大小便不通。痛無已時。如係寒證。虛證。則不紅不腫。飲食惡冷。喜熱。天花板上紅絲數條。卽間有白塊。亦陷於肉內。凹而不凸。大小便如平時。喉中微痛。或咽則痛。不咽不痛。不得以治白喉之法治之。

白喉隴治法

初起用葛根殭蠶蟬蛻以散風熱。以牛蒡子連翹金銀花土茯苓消腫敗毒。元參生地黃天門冬麥門冬清金生水黃芩黃連生梔仁山豆根生石膏瀉火救水。木通澤瀉車前子引熱下行。重者再加馬勃龍膽草。外用生土牛膝。或於未服藥之先。既服藥之後。煎水開服。再以萬年青搗汁。或服或噀。又每日食生青果十餘枚。輕者以除瘟化毒散主之。重者以神功辟邪散主之。再重者以神仙活命湯主之。輕則日服一二劑。重則日服三四劑。將疫毒由上焦引至中焦。由中焦引至下焦。從大小腸膀胱而出。大便瀉泄。火毒下行。此爲吉兆。大便閉塞。少加熟大黃。如仍閉塞。改用生大黃。大便瀉卽去。服十餘劑。瘡者有之。以口

點退淨爲度。其藥味分量之加減劑數之多寡。需臨證制宜。不
必另更別方。連日投之。自然全瘳。屢試屢驗。同治丁卯冬。白喉
險證極多。有漸至危篤者。延余診視。詢前所服之藥。皆消風敗
毒。引熱下行之劑。治法良是。終莫能起。不解何故。余詳審外證。
細察脈情。再三思之。想必是實火爲患。熱毒凝結臟腑。雖用瀉
火敗毒之藥。仍是杯水車薪。與病奚濟。擬一龍虎二仙湯。日服
四劑。服十餘劑。痊癒者有之。有服至二三十劑。而白尙未退淨。
服雄黃解毒丸一服。仍服龍虎二仙湯十餘劑。而瘳。故遂處此
方。全活甚衆。卽將此方續列於後。以備選用。白點退完。當用清
涼之品。以清心滌肺。湯主之。日服一劑。徹盡餘毒。再服養陰之

劑以養正湯主之。脾胃素虛者用四君子湯加生何首烏金銀花。總賴以圓機行活法也。如遇牙關緊閉不能看證者。治以開關散卽開。又或初起之時及服藥後痛不可忍。神疲音啞者。急以鍼法施之。兼用蒜泥拔毒散。蜒蚰辟毒散。並吹藥卽鬆。如喉內頸項腫甚。以救急異功散傳之。以上白喉治法。除勞證白喉寒證白喉之外。凡單雙蛾喉癰及喉內紅腫。均可依法治之。但藥味需酌量加減。慎之。服藥後切忌風吹。並忌一切酒肉油膩辛辣之物。瘡後亦須禁兩旬或半月。服藥時蔬菜中忌食萊菔。瘡後不忌。又有辨證未明。誤投升提開散滋補辛溫之劑。視病之輕重。以生萊豆碾細末。重者一茶碗。或一茶盅。輕者一大酒

杯冷水調服。再酌用以後所列諸飲散煎出。并煮大米粥一碗。先服粥。後服藥。則誤服之劑。卽解除矣。如痰涎湧甚。用生桐油灌入喉內。雞翎毛攪之。嘔出痰涎。須陸續灌盡桐油四五兩方妙。

開關散

番木鱉

二片
去壳

好黃醋

半杯

麤碗磨濃汁。雞翎毛蘸汁塗於兩邊牙齦。至儘後處。漸開再塗。天花板并舌根下。卽開藥汁。切勿沾喉。涎出以微溫水漱淨。看證。每遇牙關緊閉。以此法治之。

鍼法

凡遇白喉單雙蛾風火喉之重者服藥不退心中惡逆精神困
憊昏迷不醒語言不清癱痛難忍以藥鍼於舌根底下兩邊毒
筋上刺入以分許爲度放出惡血涼水漱淨其中間之青筋切
不可刺慎之須再刺少商穴係平大指甲盡處側邊離甲一分
卽是令病人平坐袒衣露出手膊擇有力者以兩手從頸上用
力順拉而下至大指指尖止連拉四五十下將綿帶從大指開叉
處起緊密纏至肉甲相連處止以藥鍼先放口內含微熱向穴
上先刺內邊後刺外邊捻出惡血男則先左後右女則先右後
左如蛾子腫大亦用藥鍼刺破出血急以膽礬散或硃砂破蛾
散吹之立破惟每月初五日人神在口忌刺蛾子舌根下初六

人神在手忌刺少商穴十五日人神在遍身均不可刺如鍼
經藥鍊卽以馬銜鐵鍼及瓷鍼銀鍼鐵鍼刺之亦可

附鍊藥鍼法

用柔鐵鍛鍊惟馬銜鐵良按本草云柔鐵卽熟鐵有毒馬銜
鐵則無毒馬屬午屬火火尅金解鐵毒故鍊藥鍼以此爲最
用舊馬銜鐵翦去在口外者取中段挨舌挨齒處鍛紅錘鍊

冷川山甲

三錢

北細辛

三錢

沈香

五錢

甘草節

三錢

當歸尾

三錢

硃砂

三錢

真慈石

一兩

鴨嘴膽礬塊片長而圓扁狀類鴨嘴外面微白中透亮如藍
色明玻璃者爲真市肆多以整塊青礬作偽沈香以黃沈角

沈黃蠟沈爲上。嗅之無香。磨汁含入口內。滿口皆香者。真市肆皆係油柞木久浸水內。取出用真沈香少許同煎。入水沈。沈以此混充。慈石俗呼吸鐵石。吸得鐵動。將慈石向掌中擦熱。距鐵鍼一二分引之。鍼卽搖動者良。能引諸藥入鐵內。乃鍊藥鍼要藥。石藥一料可鍊藥鍼十口。如鍼少。藥之分量亦須照鍼數遞減。

鍼式

如膽礬沈香慈石無真者卽用舊馬銜鐵照式錘鍼不用藥煮亦可

圓尖

三稜尖

蒜泥拔毒散

老蒜一瓣。獨子者更佳。搗如泥。以豌豆大敷經渠穴。係大指伸

直近手腕寸脈後有窩處卽是男左女右用瓦楞子或小蚌壳蓋上紮住。閱五六時起一水泡。將銀鍼或鐵鍼刺破。揩淨毒水。

救急異功散

盤蝥 四錢 真血竭 六分 製乳香 六分 全蠍 六分 大元參 六分

製沒藥 六分 去油 上麝 三分 上梅片 三分

盤蝥去頭翅足。糯米拌炒。以米色微黃爲度。去糯米。除血竭外

合諸藥共碾極細。另碾血竭拌勻。瓷瓶收貯。按血竭用少許磨

指甲上。以紅透指甲者爲真。若與諸藥同碾。則血竭飛去。市肆

多以海母血作偽。有腥氣。凡遇白喉。單雙蛾。纏喉。風關。肉外。慢

腫。並頸項發腫。咽喉將閉。及爛喉痧證。不拘何膏藥。開攤小張。

將此散用黃豆大。置膏藥上。距耳垂下半寸許。輒處貼之。左腫貼左。右腫貼右。左右發腫皆貼。閱五六時。貼處即起水疱。用銀鍼或鐵鍼刺破。揩淨毒水。能消腫止痛。誠救急良方也。

除瘟化毒散

粉葛根 二錢 浙貝母 三錢 羌蠶 二錢 生地黄 三錢 山豆根 一錢

蟬蛻 一錢 生梔子 二錢 小木通 二錢 黃岑 二錢 生甘草 五分

冬桑葉 二錢 引

此方白喉初起宜之。凡單雙蛾及風火喉痛皆可服。

神功辟邪散

粉葛根 二錢 浙貝母 三錢 羌蠶 三錢 生地黄 三錢 麥門冬 三錢 去心

蟬蛻 三錢 牛蒡子 二錢 淨連翹 二錢 黃芩 二錢 金銀花 二錢

木通 二錢 馬勃 二錢 用絹包煎 生青果 三箇 引無生青果用冬桑葉

神仙活命湯

龍膽草 一錢 浙貝母 三錢 羌蠶 三錢 生石膏 三錢 生地黄 四錢

蟬蛻 一錢 土茯苓 五錢 金銀花 二錢 黃芩 三錢 車前子 一錢

小木通 三錢 馬勃 三錢 用絹包煎 生青果 五箇 引無生青果用冬桑葉

以上二方。白喉重者宜之。日服二三劑。少則不效。凡單雙蛾喉癰及喉內紅腫。去土茯苓。金銀花。馬勃。其餘藥均可斟酌加減服之。

龍虎二仙湯

龍膽草 一錢
生地黃 一兩
元參 四錢
真犀角 八錢
川黃連 三錢

黃芩 五錢
鼠粘子 四錢
牛蒡子 四錢
直菴蠶 五錢
馬勃 四錢
絹包煎

板藍根 四錢
生梔仁 三錢
知母 四錢
生石膏 一兩
小木通 四錢

甘草 一錢
大青葉 五錢
粳米 三兩引

雄黃解毒丸

明雄 一兩
選透明者
碾極細水
飛取輕浮者
澄去水曬乾
鬱金 一錢
曬乾碾細過篩

巴豆 十四粒
去壳去皮
取白色者
炒熟碾如泥
用紙包壓去油

三味各如法製碾然後合碾用米醋熬濃汁和為丸
菜豆大每

用四分茶湯泡軟杵融送下
小人減半
纏喉走馬急證緩治

則死
明雄能破結氣鬱金能散惡血
巴豆斬關奪門能下惡涎

下咽無不活者。但此屬厲劑。乃惡藥也。不得已而用之。苟非急證。不可妄投。

清心滌肺湯

生地黄 三錢 川黃柏 二錢 黃芩 二錢 麥門冬 三錢 浙貝母 二錢

知母 二錢 天門冬 二錢 去心 天花粉 二錢 羌蠶 一錢 生甘草 五分

不用引 日服一劑。以二三劑為度。體氣素弱。極條參或

生玉竹亦可。

養正湯

生玉竹 五錢 生地黄 三錢 花粉 二錢 懷山藥 四錢 熟地黃 四錢

茯苓 三錢 製首烏 四錢 麥門冬 二錢 去心 白芍 二錢 女真子 三錢

不用藥

銀花四君子湯

臺黨參 五錢 製於朮 四錢 茯苓 三錢 生首烏 四錢 金銀花 二錢

炙草 一錢 冬桑葉 二錢引

瓜霜散

西瓜霜 一兩 上辰砂 二錢 上片 一錢 人中白 一錢 明雄黃 二分

共碾細末再入乳鉢內。乳至極細為度。瓷瓶收貯。勿令洩氣。如遇白喉蛾喉風火喉頻頻吹之。若蛾喉重者。急以膽礬散。硃砂破蛾散吹之。立效。

附取西瓜霜法

西瓜開孔去淨瓢水以皮硝灌入懸於屋簷當風處下以瓷盤懸空接之水滴盤內結成冰塊及瓜外起白霜一并埽下聽用查喉科指掌所載將刮下之霜灌入西瓜內再做二次藥力更大務須遵照製之

血竭冰蓬散

真血竭 三錢 直恙蠶 一錢 兒茶 三錢 明雄黃 三錢 上初片 一錢

上麝 三分

元明粉 錢半 淨蓬砂 一兩 甘草 三錢 去皮

血竭認法製法詳上救急異功散先將諸藥共碾極細次入乳細血竭拌勻用法同瓜霜散若孕婦患各喉證須去上麝多加冰片慎之

石青消毒散

生石青一兩煨
人中白五錢煨
青黛一兩
鴨嘴膽礬五錢
上長砂一兩

蓬砂一兩
元明粉五錢
山豆根三錢
上片五分

鴨嘴膽礬認法。詳前鍊藥鍼方內製法用法同血竭冰蓬散。孕

婦。不。忌。

蜒蚰辟毒散

蜒蚰二三條
塩梅一二枚
陳者良

按。蜒蚰俗呼鼻涕蟲。又呼涎泥。生陰溼處。及花鉢邊鉢底下。身長五六分。前銳後大而禿。灰色。中間淺黑條。遍身涎沫沾濡。跂行遲重。過處遺有涎沫者。即是。先將塩梅肉刮下。蜒蚰拌入。

少頃。蜒蚰悉化爲水。曬乾備用。每遇各喉證之重者。以小塊噙於口內。取津。先吐後嚥。或用水少許化開。搗融以舊筆洗淨。蘸水塗喉內白處。腫處卽退。此散先時臨時製造均。可若臨時製造。趁蜒蚰化水。卽塗患處。不必曬乾。

蜘蛛救苦丹

地蜘蛛 三隻

上梅片 五厘

地蜘蛛生壕礮內土面上。結有蛛網。挖出。藏於網窠內。身小而黑者。是。焙焦存性。合冰片碾極細。遇各喉證之極險者。吹之神效。實有起死回生之功。然與蜒蚰辟毒散。非遇險證。或偏僻地方。無藥可辦者。不必輕用。亦所以惜物命也。

回生萬應丹

真牛黃一錢 刺黃連四錢 兒茶五錢 真珍珠一錢 川鬱金四錢

白芷二錢 建青黛三錢 蘇薄荷七錢 蓬砂三錢 滴乳石五錢

川黃柏三錢 甘草三錢 真血竭三錢 上梅片一錢

牛黃用少許磨指甲上。以黃染透指甲者為真。市肆多以駱駝黃混充。真珍珠不論圓扁。以通身有五彩光芒者為真。大乳浸二日。晾乾碾細。如堅結不能成粉。用豆腐煮兩晝夜。即能摧剛為柔。再合諸藥同碾極細。方加乳細血竭拌勻。裝瓶收貯。此散能治白喉。單雙蛾。喉痺。喉癰。纏喉。風爛。喉痧。陰虛。喉痛等證。神效無比。如生黃珍珠血竭不真。則不效。須揀選真者。早年京中

傳染喉證俗呼狼招脖傷人最多各方罔效後得此方救人甚衆此乃喉證第一神方也。

膽礬散

鴨嘴膽礬 一錢

手指甲 五分

人中白 五分煨

鴨嘴膽礬認法詳前鍊藥鍼方內假者不能破蛾化痰爲害不淺務求真者手指甲翦碎炒炮以深黃色爲度三味共碾極細蛾喉腫甚連吹數次卽破吐出惡血涎痰痊癒。

礬砂破蛾散

真礬砂

青鹽

白礬

右等分均勻碾極細凡蛾喉腫痛吹之立破必須真礬砂方效。

若石硃鹹硃無用此藥真者難得價極昂貴不若膽礬散價廉而易辨且功效相埒

無治之證

七日滿白不退

服藥大便不通

未服藥大便瀉

大便連瀉不止

頷下發腫不消

服藥嘔吐不止

音啞無聲

白塊自落

喉乾無涎

天癆黑暗

兩目直視

面唇俱青

角弓反張

痰壅氣喘

汗出如漿

藥不能下

藥方歌括

開關散最有奇功醋磨木鼈汁須濃牙齦舌根天花板次第塗

之立即通

鍼法加諸急證。利舌根兩邊青筋刺。再向少商穴上施。放出惡血。真奇秘。

蒜泥拔毒散尤良。經渠穴上審端詳。水泡起時鍼剔破。拔去惡毒自安康。

救急異功散如神。蟹螯竭蠍乳沒尋。片麝元參膏藥傳。頂間泡起可重生。

除瘟化毒葛地。佳蠶蟬芩梔通貝加。豆甘再合冬桑葉。白喉初起永無差。

神功辟邪散有靈。葛地蠶蟬麥貝芩。翹牛通勃銀花果。白喉重者服之輕。

神仙活命膽草。芩。蠶。蟬。地。膏。土。茯。苓。通。貝。前。勃。銀。花。果。日。投。數。劑。著。奇。能。

龍。虎。二。仙。膽。草。犀。元。母。地。膏。蠶。芩。梔。連。通。勃。鼠。藍。草。并。引。用。青。葉。粳。米。宜。

雄。黃。解。毒。水。飛。淨。鬱。金。曬。碾。巴。豆。并。米。醋。煎。濃。和。爲。丸。茶。湯。送。下。醫。急。證。

清。心。滌。肺。地。貝。芩。天。麥。二。冬。僵。蠶。尋。知。粉。柏。甘。去。餘。熱。酌。加。玉。竹。與。條。參。

養。正。湯。推。玉。竹。先。生。熟。地。與。粉。苧。聯。懷。苓。首。烏。女。貞。麥。白。喉。初。

退。服。之。痊。

銀花四君子交濟。參朮苓烏甘草繼。引用冬桑葉最良。脾胃素
虛養榮衛。

瓜霜散取人中白。硃砂明雄冰片列。共碾極細頻頻吹。調治喉
證有真訣。

血竭冰蓬散何神。兒茶明雄上麝臨。殭蠶甘草元明粉。吹入喉
內保清平。

石青消毒膽礬加。硃黛豆片及蓬砂。元明粉共人中白。細碾吹
喉分外佳。

蜈蚣辟毒散神奇。鹽梅陳者兩相須。搗融蘸水塗患處。退淨紅
腫與白皮。

蜘蛛救苦丹訣。良合將冰片是神方。呼吸不通立刻癒。險證獲此保無傷。

回生萬應丹奇特。牛黃乳石金珠列。連柏蓬黛芷兒茶。合將荷草有真訣。

膽礬散耑療乳蛾。人中白共指甲和。若教吹入紅腫處。破開堵塞功效多。

鹵砂破蛾散若何。青鹽白礬共同科。不論單雙咽喉閉。吹入立待起沈疔。